



志三至五

天象下

地形上

魏書

二十

卷一百五十五下至一百六十五上

天象志一第三

太祖皇始元年夏六月有星彗于髦頭彗所以去穢布新也皇天以黜無道建有德故或馮之以昌或繇之以亡自五胡蹂躪生人力正諸夏百有餘年莫能建經始之謀而底定其命是秋太祖啟冀方之地寔始芟夷滌除之有德教之音人倫之象焉終以錫類長代修復中朝之舊物故將建元立號而天街彗之蓋其祥也先是有一大黃星出於昴畢之分五十餘日慕容氏太史丞王先曰當有真人起於燕代之閒大兵鏘鏘其鋒不可當冬十一月黃星又

見天下莫敵

是歲六月木犯哭星木人君也君有哭泣之事是月太后賀氏崩至秋晉帝殂

二年六月庚戌月掩金于端門之外戰祥也變及南宮是謂朝廷有兵時燕王慕容寶已走和龍秋九月其弟賀麟復糾合三萬衆

寇新市上自擊之大敗燕師于義臺悉定河北而晉桓玄等連衡

內侮其朝廷日夕戒嚴是歲正月火犯哭星古有死喪哭泣事秋八月又守并鉞占曰大臣誅十月襄城王題薨明年正月右軍將軍尹國於冀州謀

反被誅

天興元年八月戊辰木書見胃胃趙代墟也關天之事歲為有國

之君晝見者並明而干陽也天象若曰且有負海君實能自濟其

德而行帝王事是月始正封畿定權量肆禮樂頒官秩十二月羣

臣上尊號正元日遂禪上帝于南郊由是魏為北帝而晉氏為南

帝

元年十月至二年五月月再掩東蕃上相相所以蕃輔上室而定

君臣位天象若曰今下凌上替而莫之或振將焉用之哉且曰中

坐成刑貴人奪勢是歲桓玄專殺殷仲堪等制上流之眾晉室由

是遂卑是歲五月辰星犯軒轅人星占曰女主當之三年二月至七月月再犯鎮星于牽牛又犯哭星為兵喪女憂或曰月為鼎大之臣鎮所以一綱紀也是為強臣有下犯者有吳

越既而晉太后李氏相桓玄擯命江南仍有艱故云

三年三月有星孛于奎歷閣道至紫微西蕃入北斗魁犯太陽守

循下台輔南宮履帝坐遂由端門以出奎是封豨剝氣所由生也

又殷徐州之次桓玄國焉劉裕興焉天象若曰君德之不建人之

無援且有權其列蕃盜其名器之守而荐食之者矣又將由其天

步席其帝庭而出號施令焉至四年二月甲寅有大流星眾多西

行歷牛虛危絕漢津貫太微紫微虛危主靜人牽牛主農政皆負

國之陽國也天象若曰黎元喪其所食失其所係命卒至流亡矣

上不能恤又將播遷以從之其後晉人有孫恩之難而桓玄踵之

三吳連兵荐饑西奔死亡者萬計竟篡晉主而流之尋陽既又劫

之以奔江陵是歲三月甲子月牛齒占曰有賊臣七月甲子卯月犯天關關所以制畿封國也月犯之是為兵起于郊旬十月甲子月又犯東蕃上相占同二年既而桓玄戮

金陵殺司馬元顯太傅道子是歲秀容胡師亦聚眾反伏誅

五年四月辛丑月掩辰星在東井月為陰國之兵辰象戰鬪占曰  
所直野軍大起戰不勝亡地家臣死冬十月帝伐秦師于蒙坑大  
敗之遂舉乾壁關中大震其上將姚平赴水死是月戊申月暈左角大  
史令屍崇秦角蟲將死上

慮牛疫乃命諸將併車駕北引牛大疫死者十有八  
九官車所御巨犢數百同日斃於路側首尾相屬麋鹿亦多死者

五年三月戊子太白犯五諸侯晝見經天九月巳未又犯進賢太

白為彊侯之誠犯五諸侯所以興霸形也是時桓玄擅征伐之柄

專殺諸侯以弱其本朝卒以干君之明而代奪之故皇天著誠焉

若曰夫進賢與功大司馬之官守也而今自殘之君於何有焉是

冬十月客星白若粉絮出白南宮之西十二月入太微亂氣所由

也以距之之氣而乘粹陽之天庭適足以驅除焉明年竟篡晉

室得諸侯而不終是歲五月丙申月犯太微十一月乙卯又如之月者太陰臣象太微正陽  
之庭不當橫行其中是謂朝廷開隙疆臣不制亦桓玄之誠也又占曰

貴人有坐之名明年七月鎮西大  
將軍毗陵王順以罪還第亦是也

五年七月巳亥月犯歲星在鶉火鳥帑南國之墟也至天賜元年

二月甲辰又掩之在角角為外朝而歲星君也天象若曰有彊大

之臣于君之庭以挾其主而播遷于外是歲桓玄之師敗績于劉

裕玄劫晉帝以奔江陵至五月玄死桓氏之黨復攻江陵陷之凡

再劫天子云先是六年六月甲辰月掩斗魁第四星至天賜元年五月壬申又掩斗魁第三  
星斗為吳外大人憂將相戮宮中有自賊者及

桓玄伏誅貴臣多戮死者江南  
兵革十餘歲乃定故滿見于斗

天賜二年四月巳卯月犯鎮星在東壁七月巳未又如之十月丁

巳又掩之在室夫室星所以造宮廟而鎮司空也占曰上功之事

與明年六月癸八部人自五百里內繕脩都城魏於是始有邑居

之制度或曰北宮後庭人主所以庇衛其身也鎮主后妃之位存

亡之基而是時堅冰之漸著矣故犯又掩再三焉占曰臣賊君邦

大喪是歲三月丁酉月犯心前星三年二月月犯心後星四年二

月又如之心主嫡庶之禮占曰亂臣犯主儲君失位庶子惡之先是天興六年冬十月至元年四月月再掩軒轅占曰有亂易政后妃執其咎三年五月壬寅熒惑犯氏宿宮也天戒若曰是時蠱惑人主而興內亂之萌矣亦自我天視而脩省焉及六年七月宣穆后以彊死太子微行人間既而有清河萬人之難二年八月火犯斗大人之事建為經綸之始此天所以建創業君時劉裕且傾晉祚而清河之釁方作矣帝猶不悟至是歲九月火犯哭星其象若曰將以內亂至于哭泣之事焉由是言之皇天所以訓劫殺之主熟矣而罕能敦復以自悟悲夫

二年八月甲子熒惑犯少微庚寅犯右執法癸未犯左執法十一月丙戌太白掩鈞鈴皆南邦之謫也火象方伯金為彊侯少微以官賢材而輔南宮之化執法者威令所由行也天象若曰夫祿去公室所由來漸矣始則奪其賢材以為其本朝終以于其鈴而席其威令焉至三年十二月丙午月掩太白于危危齊分也占曰

其國以戰亡丁未金火皆入羽林四年正月太白晝見奎是謂或稱王師而干君明者占曰天下兵起魯邦受之二月癸亥金火土水聚于奎婁徐魯之分也四神聚謀所以革衰替之政定霸王之命五月己丑金晝見于參天意若曰是將自植攻伐以震其主而代奪之云爾八月辛丑熒惑犯執法九月遂犯進賢與桓氏同占是時南燕慕容氏兼有齊魯之墟不務脩德而驟侵晉淮泗六年四月劉裕以晉師伐之大敗燕師于臨朐進克廣固執慕容超以歸戕諸建康於是專其兵威吞藩輔篡奪之形由此而著云二年二月月掩左執法三年四月又北西蕃上將已未也房次謂六月火犯房次將三年七月太尉穆崇六年六月金火再入太微犯帝座蓬星客星及他不可勝紀太史上言且有骨肉之禍更政立君語在帝紀冬十月太祖崩夫前事

之感大即後事之災深故帝之季年妖怪特甚

是歲二月至九月月三犯昂昂為白衣會官車晏駕之徵

也十二月辛丑命犯木於奄占曰其君有兵死者既而慕容超戮于晉是歲四月火犯水于東井其冬赫連氏攻安定秦主興自將救之自是侵伐不息或曰水火之合內亂之形也時朱提王悅謀反賜死

太宗永興二年五月己亥月掩昂昂為髦頭之兵虜君憂之是月

蠕蠕社論圍長孫嵩于牛川上自將擊之社論遁走道死

六月甲午八白書見占曰

為不臣七月月犯鬼占曰亂臣在內明年五月昌黎王慕容伯兒謀反誅之

是歲三月至秋八月月三掩南斗第五

星斗吳分也且曰疆大之臣有于天祿者大人憂之是月乙未太

白犯少微書見九月甲寅進犯左執法占曰且有杖其霸刑以戮

社稷之衛而專威令者徵在南朔先是三月丁卯月掩房次將六

月己丑又如之八月甲申犯心前星占曰服軛者當之君失馭徵

在豫州時劉裕謀弱晉室四年九月專殺僕射謝混因襲荊州刺

史劉毅于江陵夷之明年三月又誅晉豫州刺史諸葛長人其君

託食而已

是歲八月太白犯軒轅大星名曰有亂易政女君憂三年十一月丙午金犯哭星午秦地四年八月戊申月犯四星中晉地是月晉后王氏死其後姚主薨

三年六月庚子月犯歲星在畢八月乙未又犯之在參四年正月

又蝕在畢直微垣之陽參在山河之右歲星所以阜農事安萬人

也占曰月仍犯之邊萌阻兵而荐饑是歲六月癸巳金木合于東

井七月甲申金犯土于井占曰其國內兵有白衣之會十一月土

犯井十二月癸卯土犯鉞土主疆理之政存亡之機也是為土地

分裂有戮死之君徵在秦邦至五年二月丙午火土皆犯井占曰

國有兵喪之禍主出走是月壬辰歲填熒惑太白聚于井將以建

霸國之命也其地君子憂小人流又自三年四月至五年三月熒

惑三千鬼主命者將天而國徙焉是時雍州假王霸之號者六國

而赫連氏據朔方之地尤為疆暴荐食關中秦人奔命者殆路間

歲姚興薨而難作于內明年劉裕以晉師伐之秦師連戰敗績執

姚泓以歸戎諸建康既而遺守內攜長安淪覆焉或曰自上黨並

河山之北皆鬼星參畢之郊也五年四月上黨羣盜外叛六月獲澤人劉逸自稱三巴王七月河西胡曹龍入蒲子號大單于十月將軍劉潔魏勒擊吐京叛胡失利勤力戰死潔為所虜明年赫連屈子寇蒲子三城諸將擊走之其餘災波及晉魏仍其兵革之禍

二年九月土犯畢為彌塲之兵三年七月木犯土于參占曰戰收地國君死四年十月月掩天關其災同上參外主巴蜀其後晉師伐蜀戮其主譙縱先是四年閏月月犯熒惑在昴七月又蝕之五年將軍奚斤討越勤六破之明年禿髮氏降于西秦其君乞檀戮死

神瑞元年二月填入東井犯天尊旱祥也天象若曰土失其性水源將壅焉施于天尊所以福矜寡之萌也先是去年九月至于五月歲再犯軒轅大星八月庚寅至二年三月填再犯鬼積尸歲星主農事軒轅主雪霜風雨之神反覆由之所以告黃祇也土爰稼穡鬼為物之精氣是謂稼穡潛耗人將以饑而死焉一曰大旱是歲京師比歲霜早五穀不登詔人就食山東以粟帛賑乏語在崔

浩傳

先是月犯歲于畢占曰既在晉代亦其徵又魏主泰早在秦邦至二年太史奏災

是歲四

月癸丑流星晝見中天西行占曰營頭所首野有覆軍流血西行適在秦邦而魏人覲之亦王師之戒也天若戒魏師曰是擁眾而西罔欲干君之明而代奪之爾姑息人以觀變無庸禦焉先是五年三月月犯太白于參八月庚申又犯之參魏分野占曰疆侯作難國戰不勝九月己丑月犯左角是歲三月壬申又蝕之是謂以剛晉之兵合戰而偏將戮徵在兗州二年四月太白入畢月犯畢而再入之占曰大戰不勝邊將憂魏邦受之六月己巳有星孛于昴南天象若曰且有驅除之雄勿用距之于朔方矣明年七月劉裕以舟師泝河九月裕陷我滑臺兗州刺史尉建以畏懦斬時崔浩欲勿戰上難違眾議詔司徒嵩率師逐之及晉人戰于畔城魏師敗績語在崔浩傳裕既定關中遠歸受禪既而赫連氏并之遂



竊尊號云自元年正月至泰常元年十月月三犯畢再入之再犯畢陽星占曰邊兵起貴人

有死者元年十二月蟻蠕犯塞上自將大破之二年上黨胡反詔五將討平之泰常元年長樂河間南陽王自薨二年豫章王又薨常山霍季聚眾反伏誅

二年四月辛巳有星孛于天市五月甲申彗星出天市掃帝座在房心北市所以建國均人心宋分也國且殊號人將更主其革而為宋乎先是往歲七月月犯鈎鈐十一月月食房上相至元年二月又如之天象若曰尚尸鈐鍵之位君憑而尊之者又將及矣是歲八月金木合于翼占曰且有內兵楚邦受之至泰常二年正月晉荊州刺史司馬休之雍州刺史魯宗之為劉裕所襲皆出奔走是歲十月鎮星守太微七十餘日占曰易代立王其三年三月癸丑太白犯五諸侯如桓氏之占七月有流星孛于少微以入太微自劉氏之霸三變少微以加南宮矣始以方伯專之中則霸形于之又今李政除之馴而三積堅冰至焉是月辰星見東方在翼甚

明大翼楚邦也是為冢臣于明賊人其昌先是五年十一月壬子辰星出而明盛非常至泰常一年十二月庚

戌辰星過時而見光色明盛是為彊臣有不還令者至是又如之亦三至焉或曰辰星以負北海亦魏將大興之兆九月長彗星孛于北斗

紫微辛酉入南宮凡八十餘日十二月彗星出自天津入太微逕

北斗于紫宮犯天棊八十餘日及天漢乃滅語在崔浩傳是歲晉

安帝殂後年而宋篡之夫晉室雖微泰始之遺俗也蓋皇天有以

原始篤終以哀王道之淪喪故猶著二微之戒焉神瑞二年四月木入南宮加右執法五月火又

如之八月金入自掖門掩左執法泰常元年六月又由掖門入太微五月火犯執法是冬土守天尊而月掩之三年八月土又入太微犯執法因留二百餘日九月金又犯石執法十月火犯上將因留左掖門內二十日乃逆行四年三月出西藩又還入之繞壇星成句巳四

月丙午行端門出皆晉氏之譴也自晉滅之後太微有變多應魏國也

泰常三年十月辛巳有大流星出昴歷天津乃分為三須臾有聲

占曰車騎滿野非喪即會明年四月帝有事于東廟蕃服之君以

其職來祭者蓋數百國也是歲正月巳酉月犯軒轅四月壬申又

犯填星在張四年五月辰星又犯軒轅占曰國有喪女君受之明

年五月貴人姚氏薨是為昭哀皇后六月貴嬪杜氏薨是為密后

先是二年九月火犯軒轅三年八月金又犯之占同也

四年自正月至秋七月月行四犯太微天象若曰太微粹陽之天

庭月者臣也今橫行躡之不已甚乎先是元年五月月歲星在角

是歲七月月又犯歲星明年宋始建國後年而晉主殂祿鳩之也

昔桓氏之難月再干歲星再劫其主至是亦再犯之而再勦其君

極其幽逼之患而濟以篡殺之禍斯謂之甚矣

先是三年九月月犯火于太微是歲五月月犯太白在井十月又犯之在斗且再犯井星皆有兵水大喪諸侯自死者七月鴈門河內大水五年三月南陽王意文死十一月西涼李歆為沮渠所滅晉君亦殂秦吳亡之應

五年十一月乙卯熒惑犯填星在角角外朝也土為紀綱火主內

亂會于天門王綱將紊焉占曰有死君逐主后妃憂之十二月月

蝕熒惑在亢亢內庭也占曰君薨而亂作于內貴臣以兵死是月

客星見于翼翼楚邦也占曰國更服邊有急將軍或語反者六年

二月月食南斗杓星十月乙酉金土鬪于亢占曰內兵且喪更立

王公又竟州陳鄭之墟也有攻城野戰之象焉至七年正月犯南

斗三月壬戌又犯之斗為人君受命又吳分是歲五月宋武殂秋

九月魏師侵宋北鄙十一月攻滑臺克之明年拔虎牢陷金墉屠

許昌遂啓河南之地八年宋太后蕭氏死既大臣專權遷殺其主

卒皆伏誅

自五年八月至七年十二月熒惑一守軒轅再犯進賢再犯房星月一犯軒轅及房皆女君大臣之戒是時陽平河南王太尉穆觀相次薨而宋氏廷臣乘機以侮其主竟以誅死云或曰火犯土亢為飢疾時官軍

陷武牢會軍大疫死者十二三是冬詔賑飢人

六年六月壬午有大流星出紫宮占曰上且行幸若有大君之使

明年駕幸橋山祠黃帝東過幽州命使者觀省風俗十月上南征

八年春步自鄴宮遂絕靈昌至東郡觀兵成臯反自河內登太行

山幸高都飲至晉陽焉

七年二月辛巳有星孛于虛危向河津占曰玄枵所以飾喪紀也

宗廟並起司人疑更謀有易政之象十一月甲寅彗星出室掃北斗及于闕門占曰內宮幾室主命將易寒垣有土功之事其地又齊衛也八年正月彗星出奎南長三丈東南掃河奎爲荐食之兵徐方之地占曰西北之兵伐之尹絕嗣天下饑七年十二月帝命壽光侯叔孫建徇定齊地八年春築長城距五原二千餘里置守卒以備蠕蠕冬十月大饑十一月巳巳上崩于西宮明年宋廢其主由是南邦日蹙齊衛之地盡爲兵衝及世祖卽政遂荒淮沂以負東海云八年二月丙寅火守斗亦南邦之謫也十一月彗星守斗司空空主疆理邦城且曰有土功哭泣事後年赫連屈子薨太武征之取新秦之地由是征伐四克提

封萬里云

世祖始光元年正月壬午月犯心大星心爲宋分中星者君也月爲大臣主刑事是歲五月宋權臣徐羨之謝晦傅亮放殺其主而立其弟宜都王是爲宋文帝至十月火犯心天戒若曰是復作亂

以干其君矣十月壬寅大流星出天將軍西南行殷殷有聲占曰有禁暴之兵上將督戰以所首名之三年正月歲星食月在張張南國之分歲之於月少君之象今反食之且誅彊大之臣是月羨之等戮死謝晦興江陵之甲以伐其君宋將檀道濟帥師禦之晦

又奔潰伏誅

或曰是歲上伐赫連氏入其郭夏都直代西南亦奔星應也

二年五月太白晝見經天占曰時謂亂紀革人更王六月巳丑火入羽林守六十餘日占曰禁兵大起且有反臣之戒

三年十月有流星出西南而東北行光明燭地有聲如雷鳥獸盡駭占曰所發之野有破國遷君西南直夏而首于代都焉著而有聲盛怒也

四年五月辛酉金水合于西方占曰兵起大戰先是三年正月宋人有謝氏之難王卒盡出冬十一月上伐赫連昌入其郭徙萬餘

家以歸是歲復攻之六月大敗昌于城下昌奔上邽遂拔統萬盡收夏器用虜其母弟妻子由是威加四隣北夷警焉

神麤元年五月癸未太白犯天街占曰六夷髦頭滅二年五月太白晝見占曰大兵且興疆國有弱者是月上北征蠕蠕大破之虜獲以鉅萬計遂降高車以實漠南關地數千里云

三年六月火犯井鬼入軒轅占曰秦憂兵亂有死君又旱饑之應丙子有大流星出危南人羽林占曰兵起負海國與王師合戰是歲自三月至十月太白再犯歲星月又犯之占曰有國之君或罹兵刑之難者且歲僅十二月丙戌流星首如甕長二十餘丈大如數十斛船色正赤光燭人面自天船及河抵奎大星及于壁占曰天船以濟兵車奎爲徐方東壁帶也是爲宋師之祥昭盛者事大也是歲六月宋將到彥之等侵魏自南鄙清水入河沂流而西列屯二千餘里九月帝用崔浩策行幸統萬遂擊赫連定於平涼十月二月克之悉定三秦地明年大師涉河攻滑臺屠之宋人宵遁是時赫連定轉攻西秦戮其君乞伏慕末吐谷渾慕容瓚又襲擊定虜之以彊死者再君焉是歲二月定州大饑詔開倉賑之或曰奎星羽獵理兵象也流星抵之而著大是爲大人之事冬十月上大閱于漠南甲騎五十萬旌旗二千餘里又明盛之徵

四年金火入東井火又犯天尸明年

五月又犯鬼占曰秦有兵喪而至秦夏出夷滅沮渠蒙遜又死氏土楊難當隋宋之漢中地云

四年三月有大流星東南行光燭地長六七丈食頃乃滅後有聲占曰大兵從之是時諸將方逐宋師至歷城不及有聲駿犇之象也四月辛未太白晝見于胃胃爲趙分五月太白犯天關十月丙辰又掩之天關外主勃碣山河之險窮焉占曰兵革起九月丙寅有流星大如斗赤色發太微至北斗而滅太微禮樂之庭且有昭

德之舉而述宣王命是以帝車受之是月壬申有詔徵范陽盧玄等三十六人郡國察秀孝數百人且命以禮宣喻申其出處之節明年六月上伐北燕舉燕十餘郡進圍和龍徙豪傑三萬餘家以

歸四年八月命入太微亦君自將兵象明年正月庚子火入鬼占曰秦有死君四月巳丑太白晝見為不臣其後秦王赫連昌叛走伏誅之應也

延和元年七月有大流星出參左肩東北入河乃滅參主兵政晉魏墟也山河所首推之大兵將發于魏以加燕國八月癸未太白犯心前星乙酉又犯心明堂占曰有亡國近期二年十一月有流星大如甕尾長二十餘丈奔君之象比歲連兵東討至太延二年

三月燕後主馮文通去國奔高麗

元十四月月犯左角五月掩斗七月月食左角皆占曰兵大起其後征西將軍金崖安定鎮將

延晉涇州刺史狄子玉爭權崖及子玉舉兵攻皆不克據胡空谷反平西將軍陸侯討獲之

三年三月丙辰金晝見在參魏邦戒也閏月戊寅金犯五諸侯占曰四滑起官兵起亂疑巳丑月入井犯太白占曰兵起合戰秦邦

受之七月上幸隰城詔諸軍討山胡白龍入西河九月克之伏誅者數千人而宋大將軍彭城王義康方擅威福後竟幽廢

是歲二月庚午月犯

畢口而出因暈昂及五車占曰貴人死五月甲子陰平王亦薨

太延元年五月月犯右執法九月火犯太微上將又犯左執法十

月丙午月犯右執法二年二月月犯東蕃上相三月月及太白俱

犯右執法及上相三年八月火犯左執法及上將五年二月木逆

行犯執法皆大臣謫也元年十月左僕射安原謀反誅三年正月

征東大將軍中山王篡太尉北平王長孫嵩鎮南大將軍丹陽王

叔孫建皆薨其後宋大將軍義康坐徙豫章誅其黨與僕射殷景

仁亦尋卒焉

元年五月彗出軒轅二年正月月犯火月后妃也三年七月木犯軒轅至五年七月月掩填星並女主謫也貞君元年太后竇氏殂宋氏皇后亦終或曰彗出

軒轅女主有為寇者其後沮渠氏失國實公主潛啟魏師

二年五月壬申有星孛于房占曰名山崩有亡國八月丁亥木入

鬼守積尸十一月辛亥又犯鬼鬼秦分天戒若曰涼君淫奢無度

財力窮矣將喪國身為戮焉二年正月四年十一月月皆犯并亦為秦有兵刑

三年正月壬午有星晡前晝見東北在井左右色黃大如橘魏師

之應也黃星出于燕墟而慕容氏滅今復見東井涼室亡乎四年

四月巳酉華山崩華山西鎮也天又若曰星孛于房既有徵矣鎮

傾而國從之先是元年十二月金犯羽林二年十二月至四年十

一月火再入之五年五月太書見胃昴入羽林遂犯畢畢又邊

兵也六月上自將西征秋八月進圍姑臧九月丙戌沮渠牧犍帥

文武將吏五千餘人面縛來降明年悉定涼地或曰星孛于房為大臣之事又饑祥也火入鬼犯軒

轅又隊稿不成自元年巳來將相並尤眾至貞觀元年州鎮十五盡飢

四年十月壬戌大流星出文昌入紫宮聲如雷天象若曰將相或

以全師禦衛帝宮者其事密近有震驚之象焉明年六月帝西征

詔大將軍黎敬等帥眾二萬屯漠南以備暴寇九月蠕蠕乘虛犯

塞遂至七介山京師大駭司空長孫道生等并力拒之虜乃退走

是月壬午有大流星出紫微入貫索長六丈餘占曰有大君之命

貫索賤人牢也明年帝命侍臣行郡國觀風俗問其所疾苦云

真君二年七月壬寅填星犯鉞鎮者國家所安危而為之綱紀者

也其嬰鉞之戮而君及焉自元年十一月至此月歲星三犯房

上相歲星為人君今反覆山之循省鈞鈐之備也天若戒輔臣曰

涼邦卒滅敵國殫矣而猶挾震主之威負百勝之計盍思盈亢之

戒乎是時司徒崔浩方持國鈞且有寵於上明年安西李順備五

刑之誅而由浩鍛成之後八年竟族滅無後夫天哀賢良而示以

明訓夙矣罕能省躬以先覺豈不悲哉浩誅之明年卒有景穆之

禍後年而亂作

三年三月癸未月犯太白占曰大兵起合戰九月乙丑有星孛于天牢入文昌五車經昴畢之間至天苑百餘日與宿俱入西方天象若曰且有王者之兵彗除髦頭之域矣貴臣預有戮焉明年正月征西將軍皮豹子大敗宋師于樂卿九月上北伐樂平王丕統十五將為左軍中山王辰統十五將為右軍上自將中軍蠕蠕可汗不敢戰亡追至頓根河虜二萬餘騎而還中山王辰等八將軍坐後期皆斬或曰彗由昴畢貴人多死十一月太保盧魯元薨五年二月樂平王丕薨

六年二月太白熒惑歲星聚于東井占曰三星合是為驚立絕行其國內外有兵與喪改立王公九月盧水胡蓋吳據杏城反僭署百官雜虜皆經從關內大震十一月將軍叔孫拔敗吳師于渭北至七年正月太白犯熒惑占曰兵起有大戰時上討吳黨於河東屠之遂幸長安二月吳軍敗績于杏城棄馬遁去復收合餘燼八

月乃夷之

五年五月月犯心六年四月又知之占曰兵犯宋耶是月太白入軒轅占曰有反臣是冬宋太子詹事范曄謀反誅詔高涼王那狗淮泗徙其人河北焉

九年正月火水皆入羽林占曰禁兵大起四月太白晝見經天十年五月彗星出於昴北此天所以滌除天街而禍髦頭之國也時歲討蠕蠕是秋九月上復自將征之所捕虜凡百餘萬矣是歲七月太白

犯熒星占曰天子有災位事明年春皇帝于真薨

十年十月辛巳彗星見于太微占曰兵喪並興國亂易政臣賊主至十一年正月甲子太白晝見經天四月又知之占曰中歲而再干明兵事尤大且葦人更王之應也是歲十月甲辰熒惑入太微十二月辛未又犯之癸卯又如之占曰臣將戮主君將惡之仍犯事荐也先是八年正月庚午月犯心大星九年正月犯歲星是歲九月太白又犯歲星至正平元年五月彗星見卷舌入太微卷舌讒言之戒六月辛酉彗星進逼帝座七月乙酉犯上相拂屏出端

門滅于翼軫辛酉直陰國疑翼軫為楚邦于屏者蕭牆之亂也天

象若曰夫膚受之譖寔為亂階平至芟夷主相而專其大號雖南

國之君由遷及焉先是去年十月上旬南征絕河十二月六師涉淮

登瓜步山觀兵騎士六十萬列屯三千餘里宋人兇懼饋百牢焉

是年正月盡舉淮南地俘之以歸所夷滅甚眾六月帝納宗愛之

言皇太子以彊死明年二月愛殺帝于永安宮左僕射蘭廷等以

建議不同見殺愛立吳王余為主尋又賊之荐災之驗也開歲宋

太子劭坐蠱事泄亦殺其君而僭立劭弟武陵王駿以上流之師

討平之滅於翼軫之徵也先是平

八年八月月犯房惑八月至十一月又犯軒帳是歲

高宗興安二年二月有星孛于西方占曰凡孛者非常惡氣所生

也內不有大亂外且有大兵至興光元年二月有流星大如月西

行占曰奔星所墜其野有兵光盛者事大先是宋光王杜元寶建

康王崇濟南王麗濮陽王閻文若永昌王仁相次謀反伏誅是歲

宋南郡王義宣及魯爽臧質以荆豫之師構逆大將王玄謨等西

討盡夷之或曰彗加太微翼軫之餘禍也春秋星之大變或災連

三國之君其流炎之所及二十餘年而後弭至是彗于天庭二太

子首亂三君為戮侯王辜死者幾數十人由此言之皇天疾威之

誠不可不惕也

太安元年六月辛酉有星起河鼓東流有尾跡光明燭地河鼓為

履險之兵負海之象也昭盛為人君之事星之所往君且從之閒

二歲帝幸遼西登碣石以臨滄海復所過郡國一年又尾迹之徵

是歲五月火入斗斗主形命之

二年夏四月熒惑犯太白占曰是謂相鑠不可舉事用兵成師以

養其後三吳荐飢仍歲疾疫



出而禍其雄之象也明年宋將殷孝祖侵魏南鄙詔征南將軍皮

豹子擊之宋軍大敗感金火合土災事明年十月金又犯

三年十一月熒惑犯房鈞鈴星是謂彊臣不御王者憂之至四年

正月月入太微犯西蕃三月又犯五諸侯占曰諸侯大臣有謀反

伏誅者是月太白犯房月入南斗皆宋分占曰國有變臣為亂十

一月長星出於奎色白虵形有尾跡既滅變為白雲奎為徐方又

魯分也占曰下有流血積骨明年宋兗州刺史竟陵王誕據廣陵

作亂宋主親戎自夏涉秋無日不戰及城陷悉屠之

四年八月熒惑守畢直微垣之南占曰歲饑至五年二月又入東

井占曰旱兵饑疫大臣當之六月太白犯鉞占曰兵起更正朔是

歲二月司空伊馘薨十二月六日雲中高平雍秦饑旱明年改年

為和平至六月諸將討吐谷渾什寅遂絕河窮躡之會軍大疫乃

**還**是歲三月流星數萬西行占曰小流星百數四面行者庶人遷之象既而吐谷渾舉國西遁大軍又隨曠之

四年九月月犯軒轅十二月犯氏至五年正月月掩軒轅又掩氏

東南星皆后妃之府也和平元年正月丁未歲犯鬼鬼為死喪歲

星人君也是為君有喪事三月月掩軒轅四月戊戌皇太后崩於

壽安宮宋志云八閭言人主唯籍不修故謫見軒轅又五年十一月月犯左執法明年十一月又犯之占曰大臣有憂和平二年征東將軍河東王閭毗薨十月廣平王洛侯薨

和平元年十月有長星出於天倉長丈餘饑祥也二年三月熒惑

入鬼是謂稼穡不成且曰萬人相食其後定相阻饑宥其田租時

三吳亦仍歲凶旱死者十二三先是元年四月太白犯東井井鬼

皆秦分雍州有兵亂自元年六月月犯心大星三犯前後于房心

宋分時宋君虐其諸弟後宮多喪于女繼天哭泣之聲相再是歲

詔諸將討雍州叛氏大破之宋雍州刺史海陵王休茂亦稱兵作

亂間歲而宋主殂嗣子湣昏政刑紊焉先是元年十月太白入氏占曰兵起後官有白衣會三年五月歲星犯上將占

曰上將憂之三年八月月犯哭星皆宋祥也是歲樂良王皆內壽及征東大將軍常山王素並薨

二年三月辛巳有長星出天津色赤長匹餘滅而復出大小百數天津帝之都船所以渡神通四方光大且眾為人君之事天象若曰是將有千乘萬騎之舉而絕逾大川矣是月發卒五千餘通河西獵道後年八月帝校獵于河西宋主亦大閱舟師巡狩江右云二年九月太后犯南斗斗吳分占曰君死更政大臣有誅者十一月太白犯填填女君也且曰有內兵白衣會至三年九月火犯積尸占曰貴人憂之斧鉞用十月太白犯歲星歲為人君而以兵喪干之且有死君篡殺之禍是月熒惑守軒轅占曰女主憂之宮中兵亂十一月歲入氏氏為正寢歲為有國之君占曰諸侯王有來入宮者五年二月月入南斗魁中犯第四星占曰大人憂太子傷宮中有自賊者又大赦既而宋孝武及宋后相繼崩殂少主荐誅

輔臣釁連戚屬羣下相與殺之而立宋明帝江南大饑且仍有肆

青之令焉先是三年六月太白犯東井七月火入井四年五月金火皆犯上相五年六月火又入井占曰大臣憂斧鉞用六年七月月犯心前星是月宋殺少主其後有已

五年七月丁未歲星守心心為明堂歲為諸侯為長子入而守之

立君之象占曰凡五星守心皆為宮中亂賊羣下有謀立天子者

七月巳酉有流星長丈餘入紫微經北辰第三星而滅占曰有大

喪九月丁酉火入軒轅十一月長星出織女色正白彗之象也女

主專制將由此始是以天視由之長星彗之著易政之漸焉冬熒

惑入太微犯上將十二月遂守之占曰公侯謀上且有斬臣六年

正月乙未有流星長丈餘自五車抵紫宮西蕃乃滅天象若曰羣

臣或脩霸刑而于蕃輔之任矣且占曰政亂有奇令四月太白犯

五諸侯占曰有專殺諸侯者五月癸卯上崩于太華殿車騎大將

五諸侯占曰有專殺諸侯者五月癸卯上崩于太華殿車騎大將

軍乙渾矯詔殺尚書楊寶年等于禁中戊申又害司徒平原王陸  
麗明年皇太后定策誅之太后臨朝自馮氏始也或曰心爲宋分  
是歲六月歲星晝見于南斗斗爲天祿吳分也天象若曰或以諸  
侯干君而代尊之是冬宋明帝以皇弟踐阼孝武諸子舉兵攻之  
四方響應尋皆伏誅有太白之刑與歲星之祐焉是歲三月有流星西行不可勝數至明乃止六月已卯又有流星多西南行星衆而小庶人象也星之所首人將從之及宋討孝武諸子太白首自尋陽往平荆雍其後張永之師敗績于呂梁魏師盡舉淮石俘其人又西南行之效也  
顯祖天安元年正月戊子太白犯歲星歲農事也肅殺于之是爲  
稼穡不登六月熒惑犯鬼占曰旱饑疾疫金革用八月丁亥太白  
犯房占曰霜雨失節馬牛多死九月甲寅熒惑犯上將太白犯南  
斗第二星占曰貴人將相有誅者十一月己酉太白又犯歲星或  
曰歲爲諸侯太白血兵刑之政再干之事洚也是歲九月州鎮十  
一旱饑十月宋氏六王皆戮死明年宋師敗于呂梁江南阻饑牛

且大疫其後東平王道符擅殺副將及雍州刺史據長安反詔司  
空和其奴討滅之九月詔賜六鎮孤貧布帛宋主以後宮服御賜  
征北將士後歲夏旱河決州鎮二十七皆饑尋又天下大疫元年六月太白

犯左執法十月火又犯之占曰大臣有憂霸者之刑用是歲六月月犯并十月又掩神之星典元年正月月犯并北轅第二星八月又蝕之占曰貴人當之有將死水旱祥也道符作亂之明年司空和其奴太宰李峻皆薨

皇興元年四月太白犯鎮星占曰有攻城略地之事六月壬寅太  
白犯鬼秦分也二年正月太白犯熒惑占曰大兵起是時鎮南大  
將軍尉元征南大將軍慕容白曜略定淮泗明年徐州羣盜作亂  
元又討平之後歲正月上黨王觀西征吐谷渾又大破之

二年九月癸卯火犯太微上將占曰上將誅先是元年六月熒惑  
犯氏是歲十一月太白又犯之是爲內宮有憂逼之象占曰天子  
失其宮四年十月誅濟南王慕容白曜明年上迫於太后傳位太

子是為孝文帝

宋志以為先是比年月類犯左角占曰天子惡之及上遜位而宋明帝亦殂

高祖延興元年十月庚子月入畢口畢魏分占曰小人罔上大人易位國有拘主反臣十二月辛卯火犯鈎鈐鈎鈐以統天駟火為內亂天象若曰人君失馭或以亂政乘之矣乙巳鎮星犯井天井者天下之平也而女君以干之是為后竊刑柄占曰天下無主大人憂之有過賞之事焉二年正月月犯畢丙子月犯東井庚子又如之占曰天下有變令貴人多死者

三年八月月犯太微又羣陰不制之象也是時馮太后宣淫于朝昵近小人而附益之所費以鉅萬億計天子徒尸位而已二年九月河間王開虎皮以貪殘賜死其後司空東平郡王陸麗坐事廢為兵既而官車晏駕

開倉

或曰月入畢口為赦令二年正月曲赦京師及秦梁諸鎮星及月犯井皆為水災且旱祥也是歲九月州鎮十一水旱詔免其田租

四年九月巳卯月犯畢七月丙申太白犯歲星在角丁卯太白又入氏太白有母后之幾主兵喪之政以干君於外朝而及其宿宮是將有劫殺之虞矣二月癸丑月犯軒轅甲寅又犯歲星月為彊大之臣為主女之象始由后妃之府而干少陽之君示人主以戒敬之備也五年三月甲戌月掩填星天象若曰是又僻行不制而棄其紀綱矣且占曰貴人彊死天下亂三月癸未金火皆入羽林占曰臣欲賊主諸侯之兵盡發八月乙亥月掩畢十一月月入軒轅食第二星至承明元年四月月食尾五月巳亥金火皆入軒轅庚子相逼同光皆后妃之謫也天若言曰母后之釁幾實盈矣人君忘祖考之業慕匹夫之孝其如宗祀何是時獻文不悟至六月暴崩實有醜毒之禍焉由是言之皇天有以覩履霜之萌而為之成象久矣其後文明皇太后崩孝文皇帝方脩諒陰之儀篤孺子

之慕竟未能述宣春秋之義而懲供人之黨是以胡氏循之卒傾  
魏室豈不哀哉或曰太白犯歲於天門以臣伐君之象金火同光  
又兵亂之徵時宋主昏狂公侯近戚冤死相繼既而桂陽建平王  
並稱兵內侮矢及宮闕僅乃戡之尋為左右楊玉夫等所殺或曰月  
犯歲鎮  
金火入軒轅皆饑祥也月掩畢主邊兵四年州鎮十三飢又比歲蝗旱太和元年雷雷又飢開倉  
賑之先是四年四月丙午有大星西流殷殷有聲十一月辛未又如之是歲五月宋桂陽王反于  
江州間歲沈攸之反于江陵皆為大兵  
西伐時以江南內携又詔五將伐蜀

太和元年五月庚子太白犯熒惑在張南國之次也占曰其國兵  
喪並與有軍大戰人主死壬申水土合于翼皆入太微主令不行  
之象也占曰女主持政大夫執綱國且內亂羣臣相殺九月丁亥  
太白晝見經天光色尤盛更姓之祥也二年九月火犯鬼占曰主  
以淫泆失政相死之三年三月月犯心心為天王又宋分二月填  
星逆行入太微留左掖門內占曰土守南宮必有破國易代逆行

者事逆也自元年三月至二年六月月行五犯太微與劉氏篡晉  
同占又自元年八月至三年五月月行六犯南斗入魁中斗為大  
人壽命且吳分是時馮太后專政而宋將蕭道成亦擅威福之權  
方圖劉氏宋司徒袁粲起兵石頭沈攸之起兵江陵將誅之不剋  
皆為所殺三年四月竟篡其君而自立是為齊帝是年五月又害  
宋君子丹陽宮又元年十月月犯魁為刑獄事二年六月月犯房占曰貴人有誅者或曰  
月犯斗亦大臣之謫也其後李惠伏誅宜都長樂王並賜死又元年二月  
壬戌月在并量參畢兩河五車占曰大赦至八月大赦天  
下三年正月壬子入量參畢五車東井至十月大赦天下

三年自五月至十二月月三入斗魁中四年五月庚戌七月巳巳  
又如之六年二月又犯斗魁第二星占曰其國大人憂不出三年  
七月丁未十月丙申月再犯心大星自四年正月至六年二月又  
五千之斗為爵祿之柄心為布政之官月行于而輔之亦以荐矣  
其占曰月犯心亂臣在側有亡君之戒人主以善事除殃是時馮

太后將危少主者數矣帝春秋方富而承事孝敬動無違禮故竟得无咎至六年三月而齊主殂焉或曰月犯斗其國兵憂心又豫州也時比歲連兵南討五年二月大破齊師于淮陽又擊齊下蔡軍大敗之先是三年八月金犯軒轅四年二月又犯軒轅第二星六年正月又犯軒轅大星八月又犯軒轅左角左角后宗也是時太后淫亂而幽后之姪娣又將薄德天若言曰是無周南之風不足訓也故月太白驟王之

三年九月庚子太白犯左執法十一月丙戌月犯之四年二年辛巳月又犯之九月壬戌太白又犯之五年二月癸卯月犯太微西蕃上將至六年十月乙酉熒惑又犯之夫南宮執法所以糾滯忒成肅雍而上將朝廷之輔也天象若曰王化將施滯風幾興固不足以及天下矣而廷臣莫之糾弼安用之文明太后雖獨厚幸臣而公卿坐受榮賜者費亦巨億蓋近乎素餐焉其三年九月安樂王長樂下獄死隴西王源賀薨四年正月廣川王略薨襄城王韓

頽徙邊七月頓丘王李鍾葵賜死其後任城王雲中山王叡又薨

比年死黜相繼蓋天謫存焉四年春月又極火亦大臣死黜之祥也又此年九月再犯亦為獄事與白衣之會也

五年九月辛巳填犯辰星干軫占曰為饑為內亂且有壅川溢水

之變是歲京師大霖雨州鎮十二饑至六年七月丙申又大流星

起東壁光明燭地尾長二丈餘東壁土功之政也是月發卒五萬

通靈丘道十月巳酉有流星入翼尾長五丈餘七星中州之羽儀

翼南國也天象若曰將擇文明之士使于楚邦焉明年員外散騎

常侍李彪使齊始通二國之好焉四年正月丁未月在畢彙參井五車赦祥也四月幸廷尉獄錄囚徒明年二月大赦是月月在

翼有備日常侵五車東井軒轅北河魁至北斗紫垣攝提六年正月癸亥月在畢彙參兩行五車皆畢至甲戌天下大赦江南嗣君即位亦大赦改元

七年六月庚午辰時東北有流星一大如太白北流破為三段十月巳亥星隕如虹是時太后專朝且多外嬖雖天子由倚附之故有干明之謫焉破而為三席勢者眾也昔春秋星隕如雨而羣陰

起霸其後漢成帝時時日晦冥衆星行隕耀耀如雨而王氏之禍萌至是天妖復見又與元后同符矣

十年八月辰時有星落如流火三道戊寅又有流星出日西南一丈所西北流大如太白至午西破為二段尾長五尺復分為二入

雲間仍見者事荐也後代其踵而行之以至於分崩離析乎先是七年十月有客星大如斗在參東似孛占曰大臣有執主之命者

且歲旱糴貴十年九月熒惑犯歲星歲主農事火星以亂氣干之五稼早傷之象也占曰元陽以饑人不安自八年至十一年黎人

阻饑且仍歲災旱八年正月辛巳日在甲寅其歲星將參五車占曰有放糴貴其年八月人故冬州鎮十五水旱人飢九年正月月在參星前參兩肩五中為大

十一年三月丁亥火土合于南斗填為履霜之漸斗為經始之謀而天視由之所以為大人之戒也占曰其國內亂不可舉事用兵

是時齊主持諸侯王酷甚雖酒食之饋猶裁之有司故天若言曰非所以保根固本以貽長代之謀也內亂由是興焉五月丁酉太

白經天晝見庚子遂犯畢畢又邊兵也是時蠕蠕寇邊明年齊將陳達伐我南鄙陷澧陽間歲而齊君子子響為有司所御遂憤怒

而反伏誅及齊王殂而西昌侯篡之高武子孫所在綦布皆拱手就戮亦齊君自為之焉十一年六月乙丑月犯斗內寅遂犯建星亦屬始之謀也十二年七月月犯牛十三年六月又掩之明年八月又犯之牛主吳

七月癸丑太白犯軒轅大星八月甲寅又犯之皆女君之謫也天象若曰軒轅以母萬物由后妃之母兆人也是固多穢復將安用

之其物類之感又稼穡之不滋候也是歲年穀不登聽人出關就食明年州鎮十五皆大饑詔開倉賑之間歲太后崩是歲月三人并金

不和為水患且大旱其後連年元陽而吳中比歲霖雨傷也

分占曰國有變大將戮亦江南兵燹之徵也

十二年三月甲申歲星逆行入氏甲申皆齊分也占曰諸侯王而升為天子者逆行者其事逆也先是去年十月歲辰太白合于氏是為驚亡絕行改立王公是歲四月月犯氏與歲同舍六月丁巳月又入氏犯歲星月為彊大之臣歲為少君也與歲同心內宮而干犯之彊宗擅命逼奪其君之象也再干之其事荐至

十三年三月庚申月犯歲十五年六月又犯之歲星不在宿宮是為彊侯之譴江南太子賢王相次薨歿既而齊武帝殂太孫幼沖西昌輔政竟殺二君而篡之月再犯于氏及逆行之效也或曰月犯木

歲稼穡不登又十二年正月戊戌月犯左角十一月丙寅又犯之七月金又犯左角角為外朝且兵政也占曰不出二年天下有兵于死大君惡之至十四年有子嚮誅問歲而齊室亂

十二年四月癸丑月火金會于井辛酉金犯火甲戌火水又俱入井皆雨暘失節萬物不成候也且曰王業將易諸侯貴人多死是歲月行四入氏十月辰星入之閏月丁丑火犯氏乙卯又人之占

曰大旱歲荒人且相食國易政君失位遠期五年氏及女之府也是歲兩雍及豫州旱饑明年州鎮五大饑二十四年太

時江南北連歲災雨至十七年有劫殺之禍誅死相踵焉是年三月

年四月又犯之七月至十月再犯鍵閉占曰有亂臣不出三年伐其主自十二年六月至十四年八月再犯牛又再掩之凡六犯牛且掩之牛為吳越雠也單魏分且口貴人多死免者十二年九月司徒淮南王佗薨十二年光州人王泰反章武汝陰南安三王皆坐誅廢安豐王猛司空荀頰並薨四年池豆于及庫莫奚頻犯塞京兆王廢為庶人



魏書卷一百五之二 天象志 第二

魏書卷一百五之二

魏收書天象志第一卷載天及星變編年惣繫魏及南朝禍咎世已無本據目錄作西魏帝紀而宋齊梁君皆稱帝號亦非魏澹書明為目明顯胎肅道成皆人列傳此志主東魏而晉為太素書志崇文惣口有張太素魏書天志二卷今亡大惟館有史館舊本魏書志第三卷制題制議郎行著作郎修四中張太素撰太素唐人故諱世民等字

魏書卷一百五之四

魏書卷一百五之四

天象志一第四

太和十二年十一月戊午太白犯歲又犯火喪疾之祥占曰國無兵憂則君有白衣之會景寅火又犯木占曰內無亂政則主有喪戚之故十二月壬寅太白犯填占曰金為喪祥后妃受之十三年二月熒惑犯填占曰火主凶亂女君應之皆文明太后之謫也先是十一年六月甲子歲星晝見十二月甲戌又晝見是歲六月又如之歲而麗于大明少君象也是時孝文有仁聖之表而太后分權以干冒之及帝春秋方壯始將經緯禮俗財成國風故比年女君之謫屢見而歲星濳盛至于不可掩奪矣且占曰木晝見主有白衣之會是歲九月丙午有大流星自五車北入紫宮抵天極有聲如雷占曰天下大凶國有喪宮且空夫五車君之車府也天象

若曰是將以喪事有千乘萬騎而舉者大有聲其事昭盛至十四年三月填星守哭泣占曰將以女君有哭泣之事四月丙申火犯鬼喪祥也六月有大流星從紫宮出西行天象又曰人主將以喪事而出其宮八月月太白皆犯軒轅九月癸丑而太皇太后崩帝哭三日不絕聲勺飲不入口者七日納管屢徒行至陵其反亦如之哀毀骨立柱而後起雖殊俗之萌矯然知感焉自九月至于歲終凡四謁陵又荐出紫宮之驗也

十四年十一月月犯填星十二月月犯軒轅十五年十月日犯填又犯軒轅八月又犯之九月月掩填星十七年正月月又犯軒轅皆女君之象也是時林貴人以故事薨及馮貴人爲后而其姊諳之至二十年竟坐廢黜以憂死幽后繼立又以淫亂不終

十三年十二月戊戌填星辰星合于須女女齊吳分占曰是爲雍沮主令不行且有陰親者至十四年三月庚申歲星守牛占曰其君不愛親戚貴人多喪又儲祥也是歲太白三犯熒惑十月太白入氏十一月有大流星從南行入氏甲申齊邦之物也金火相鑠

爲兵喪爲大人之謫天象若曰宿宮有兵喪之故盛大者循而殘之處其寢廟之中矣至十五年三月壬子歲犯填在虛三月癸巳木火土三星合宿于虛甲午火土相犯虛齊也占曰其國亂專政內外兵喪故立侯王九月乙丑太白犯斗第四星戊子有大流星起少微入南宮至帝坐主有盛大之臣乘賢以侮其君者且占曰大人易政至十七年正月戊辰金木合于危危亦齊也是爲人君且罹兵喪之變四月戊子太白犯五諸侯占曰有擅刑以殘賊諸侯者至七月齊武帝殂西昌侯以從子干政竟殺二君而自立是爲齊明帝於是高武諸子王侯數十人相次誅夷殆無遺育矣雖繼體相循實有準命之禍故天謫仍見云

自十五年至十七年月行七犯建星建星爲忠臣之輔經代之謀又吳之分也十五年再犯牽牛十六年至十七年又四犯南斗是謂三干天祿且曰大人多死者又十五年七月金入太微十七年火入太微宮反臣之戒是歲月行四入太微十七年六入太微比歲凡十干之而齊君夷其宗室亦積忍酷甚也

十五年四月癸亥熒惑入羽林十六年二月壬子太白入羽林占曰天下兵起三月巳卯四月丙午五月甲戌十月辛卯月行皆入羽林十七年四月壬寅八月辛卯十二月辛巳又如之先是陽平王頥統十二將軍騎士七萬北討蠕蠕是歲八月上勒兵三十餘萬自將擊齊由是比歲皆有事于南方十五年三月掩畢十一月又犯之十六年五月及七月月再入畢八月十一月又再犯之十七年八月又入畢畢為邊兵占曰貴人多死十五年六月濟陰王鬱賜死十七年南平王霄三老尉元皆死十八年安定王休死十九年司徒馮誕太師馮熙廣川王諧皆死

十七年二月庚戌火土合于室室星先王所以制宮廟也熒惑天視填為司空聚而謀之其相宅之兆也且緯曰人君不失善政則火土相扶卜洛之業庶幾興矣是歲九月上罷擊齊始大議遷都冬十月詔司空穆亮將作董邈繕洛陽宮室明年而徙都之於是更服色殊徽號文物大備得南宮之應焉凡五星分野熒惑統朱鳥之宿翼州之分是為步白并州而經始洛邑之祥也

十七年二月丁丑太白犯井辛丑又犯鬼五月戊午晝見九月又如之是謂兵祥雍州也是月火木合于婁婁為徐州占曰其地有亂萬人不安八月辛巳熒惑入井占曰兵革起明年二月詔征南將軍薛真度督四將出襄陽大將軍劉昶出義陽徐州刺史元衍出鍾離平南將軍劉薛出南鄭皆兩雍徐方之分後年正月平南王肅大敗齊師于義陽降者萬餘巳亥上絕淮登八公山並淮而東及鍾離乃還至十九年六月庚申金木合于井七月火犯井三十一年十一月大敗齊師于馮北明年春復大破之下二十餘城於是悉定馮漢諸郡時江南偽

立雍州於襄陽以總牧西土遺黎故與東井同候

十八年四月甲寅熒惑入軒轅后妃之戒也是時左昭儀得幸方譖訴馮后上蠱而惑之故天若言曰夫膚受之微不可不察亦自我天視而降鑒焉至十九年三月月犯軒轅二十年七月辛巳又掩填星是月馮后竟廢尋以憂死而立左昭儀是為幽后明年追

廢林貞后爲庶人二十二年正月月又掩軒轅十一月又彗星起  
軒轅歷鬼南及天漢天又若曰是固多穢德宜其彗除矣行歷鬼  
又彊死之徵明年幽后賜死也十九年六月壬寅熒惑出于端門  
占曰邦有大獄君子惡之又更紀立王之戒也明年皇太子恂坐  
不軌黜爲庶人至二十一年十月壬午熒惑歲星合于端門之內  
歲爲人君火主死喪之禮而陳于門庭大喪之象也二十二年二  
月乙丑木火合于掖門內是夕月行逮之三月丙午木火俱出掖  
門外再合一相犯月行逮之后妃預有咎焉明年四月宮車晏駕  
夫太微禮樂之庭也時帝方脩禮儀正喪服以經人倫之化竟未  
就而崩少君嗣立其事復寢縉紳先生咸哀慟焉故天視奉而修  
之是以徘徊南宮蓋皇天有以著慎終歸厚之情或曰合于天庭  
南方有反臣之戒是時齊明帝殂比及三年而亂兵四交宮掖旣

而蕭衍戡之竟覆齊室云

二十一年十一月有流星照地至天津而滅占曰將有樓船之攻人君以大眾行二十二年而南伐是歲之正月

有流星大如三斗瓶起貫索東北流光燭地經天格乃滅有聲如雷天格天子先驅也占曰國中貴人有死者且大赦至三月上南征不豫詔武衛元嵩請治陽賜皇后死

世宗景明元年四月壬辰有大流星起軒轅左角東南流色黃赤  
破爲二段狀如連珠相隨至翼左角后宗也占曰流星起軒轅女  
主後宮多讒死者翼爲天庭之羽儀王室之蕃衛彭城國焉又占  
曰流星于翼貴人有憂擊是時彭城王忠賢且以懿親輔政借使  
世宗諒陰恭已而脩成王之業則高祖之道庶幾興焉而阿倚母  
族納高肇之譖明年彭城王竟廢後數年高氏又鳩于后而以貴  
嬪代之由是小人道長讒亂之風作矣夫天之風戒肇于履端之  
始而沒身不悟以傷魏道豈不哀哉或曰軒轅主后土之養氣而  
庇祐下人也故左角謂之少人焉天象若曰人將喪其所以致養  
幾至流亡離析矣是歲北鎮及十七州大饑人多就食云

是歲十二月癸未月暈大

微既而有白氣長一丈許南抵七星俄而月復暈北斗大角為君以兵自衛又放箭也且為立君之戒時蕭衍立少主於江陵改元大赦尋代金陵以長圍逼之又二年正月月暈并參鬚昂五車占曰貴人死大赦是歲廣陵王羽薨二月至秋再大赦

二年正月己未金火俱在奎光芒相掩為兵喪為逆謀大人憂之野有破軍殺將奎徐方也三月丁巳有流星起五諸侯入五車至天潢散絕為三光明燭地五車所以輔衰替之君也流星自五諸侯干之諸侯且霸而脩兵車之命分而為二距之疑之君幾將並立焉魏收以為流星出五車諸侯有反者至五月咸陽王禧謀反賜死戊午填星在井犯鉞相去二寸占曰人君有戮死者時蕭衍起兵襄陽將討東昏之亂是月淮南康王寶融為帝踐阼于江陵於是齊有二君矣至八月戊午金火又合于翼楚分也十一月甲寅金水俱出西方占曰東方國大敗時蕭衍已舉夏口平尋陽遂沿流而東東主之師連戰敗績於是長圍守之十二月齊將張繆斬東昏以降又戮主之徵至三年正月火

犯房北星光芒相接癸巳填星逆行守井北轅西星皆大臣賊主更政立君之戒也三月金水合于須女女齊分金水合為兵誅二月丁酉有流星起東井流入紫宮至北極而滅東井雍州之分衍憑之以興且西君之分使星由之以抵辰極是為禪受之命且為大喪是月齊諸侯相次伏誅既而西君錫命衍受禪于建康是為梁武帝戊辰而少主殂自一年至三年六月掩犯斗魁七月火犯斗皆吳分也時江南梁武帝戊辰而少主殂北歲大饑又連兵北鄙負敗相迹又二年七月暈婁內青外黃三年八月月暈外青內黃轅昂畢婁胃五車占曰貴人多死十二月月犯昂環月大傅陽平王丕薨後年正月大赦

三年八月丙戌有大流星起天中北流大如二斗器占曰有天子之使出自中京以臨北方至四年九月壬戌有大流星起五車東北流占曰有兵將首于東北是歲二月辛亥三月丁未月再掩太白皆大戰之象也庚辰揚州諸將大破梁師于陰陵十一月左僕

射源懷以便宜安撫北邊明年二月又大破梁師于邵陵九月蠕  
蠕犯邊復詔源懷擊之是歲七月月暈昴畢觜參井五車占曰旱大赦又再暈軒轅  
大微明年正月月暈五車東井兩河鬼填星是月大赦改元

六月以九賜  
詔撤樂減膳

正始元年正月戊辰流星如斗起相星入紫宮抵北極而滅夫紫  
宮后妃之內政而由輔相干之其道字矣且占曰其象著大有非  
常之變至二年六月癸丑有流星如五斗器起織女抵室而滅占  
曰王后憂之有女子白衣之會往反營室釁歸後庭焉三年正月  
巳亥有大流星起天市垣西貫紫蕃入北極市垣之西又公卿外  
朝之理也占曰以臣犯主天下大凶明年高肇欲其家擅寵乃鳩  
殺于后及皇子昌而立高嬪為后先是景明四年七月太白犯軒轅大星至二  
年六月木犯昴占曰人君有白衣之會同上  
三年六月丙辰太白晝見占曰陰國之兵彊八月梁師寇邊攻陷  
城邑秋九月安東將軍邢巒大破之宿豫斬將三十餘人捕虜數

萬十月甲寅月犯太白又大戰之象明年中山王英敗績于淮南

士卒死者十八九

又元年正月月暈胃昂畢五車戊午又暈五車東井兩河鬼填星二月  
甲申又暈昴畢觜參三年正月月暈太微軒轅皆為兵赦是月皇太子生

大赦  
天下

四年七月巳卯有星孛于東北占曰是謂天譏大臣貴人有戮死  
者凡孛出東方必以晨乘日而見亂氣蔽君明之象也昔魯哀公  
十三年十一月有星孛于東方明年春秋之事終是謂諸夏微弱  
蠻夷遞霸田氏專齊三族擅晉卒以干其君明而代奪之陵夷遂  
為戰國天下橫流矣今孛星又見與春秋之象同天戒若曰是居  
太陽之側而干其明者固多穢德可彗除矣而君不悟衰替之萌  
將繇此始乎是歲高肇鳩后及皇子明年又譖殺諸王天下寃之  
肇故東夷之俘而驟更先帝之法累構不測之禍于明孰甚焉魏  
氏之孛亂自此始也

永平元年三月戊申熒惑在東璧月行抵之相距七寸光芒相及  
室壁四輔君之內宮人主所以庇衛其身也天象若曰且有重大  
之臣屏藩王室者將以讒賊之亂死於內宮又曰諸侯相謀三月  
癸未填星逆行太微在左執法西是為后黨持政大夫執綱而逆  
行侮法以啟蕭牆之內是月月犯畢六月又掩之占曰貴人有死  
者庚辰太白歲星合于柳柳為周分且占曰有內兵以賊諸侯八  
月京兆王愉出為冀州刺史恐不見容遂舉兵反以誅尚書令高  
肇為名與安樂王訟相攻于定州九月太師彭城王勳于禁中愉  
亦死之

或曰柳豫分所合之野謀兵有戰野拔邑事至十一月丙子流星起羽林南大如碗  
色赤有黑東南引如一匹布橫北極星占曰禁兵起所首召之是歲豫州人白早生  
殺刺史司馬悅以城降梁遣尚書肅  
變擊之十二月續拔懸軼斬早生

二年三月丁未有流星徑數寸起自天紀字于市垣光芒燭地有  
尾跡長丈餘凝著天天象若曰政失其紀而亂加乎人浸以萌矣

是將以地震為徵地震者下土不安之應也是月火入鬼距積尸  
五寸積尸人之精爽而炎氣加之疫祥也四月乙丑金入鬼去積  
尸一寸又以兵氣干之疆死之祥也踰逼者事甚鬼主驕亢之戒  
故金火荐災其人以警而懼之五月太白犯歲光芒相觸占曰兵  
大亂歲饑不出三年七月庚辰有流星起騰虵入紫宮抵北極而  
滅天戒若曰彼光後王道者疑以馭陰陽之變矣將有水旱之沴  
地震之祥而後災加皇極焉明年夏四月平陽郡大疫死者幾三  
千人平陽鬼星之分也秋州郡二十大水冀定旱饑四年胸山之  
役喪師殆盡其後繁峙桑乾靈丘秀容鴈門地震陷裂山崩泉涌  
殺八千餘人延昌二年詔曰比歲山鳴地震于今不已朕甚懼焉  
至正月宮車晏駕

七年十一月丙戌月掩畢火星至三年八月火犯積尸占曰貴人死又  
饑疫祥也比年水旱災疫是月中山王略薨明年春司徒廣陽王嘉薨

二年九月甲申歲星入太微距右執法五寸光明相及十二月乙

酉逆行入太微掩左執法三年閏月壬申又順行犯之相去一寸保乾圖曰臣擅命歲星犯執法是時高肇方為尚書令故歲星反復由之所以示人主也天若言曰政刑之命亂矣彼居重華之位者盍將反復而觀省焉今雖厚而席之適所以為禍資耳且占曰中坐成刑遠期五年間五歲而肇誅

四年四月庚午熒惑犯軒轅大星至五月入太微距右執法三寸光芒相接熒惑天視也

始由軒轅而省執法之位其象若曰是居后黨而擅南宮之命君其降監焉其應與歲星同也

四年正月戊戌有流星起張西南行殷殷有聲入參而滅張河南之分參為兵事占曰流星自東方來至伐而止有來兵大敗吾軍有聲者怒也先是去年十一月月犯太白是歲又犯之在胃八月辛酉又犯之胃為徐方大戰之象也十月戊寅有大流星孛于羽林南流色赤珠落下入濁氣孛然而流王師潰亂之兆先是梁胸山鎮殺其將來降詔徐州刺史盧昶援之十二月昶軍大敗於淮

南淪覆十有餘萬

是歲七月乙巳有流星起北斗魁前西北流入紫宮至北極而滅占曰不出基年兵起且亡君戒是歲有胸山之役間歲而帝崩

四年十二月己巳歲星犯房上相相距一寸光芒相及至延昌元年三月丙申歲星在鈎餘東五寸距鍵閉三寸丙午又掩房上相

天象若曰夫鈎鍵之轡君上所宜獨操非驂服所當共也先是高肇為尚書令而歲星三省執法是歲至升為司徒猶怏怏不悅而歲星又再循之所以示人主審矣間二歲而上崩肇亦誅滅

或曰水與房合

七歲水又元年二月月暈并鬼軒轅十月又暈并五車參畢皆水旱饑赦之祥自元年二月不雨至六月雨大水二年四月庚子出絹十五萬匹賑河南饑人是夏州郡十二大水八月滅天下殊死

二年四月庚午熒惑犯軒轅大星十月壬申月失行犯軒轅大星至延昌元年三月填星在氏守之九十餘日占曰有德令拜太子女主不居官至十月立皇太子賜為父後者爵旌孝友之家至二年三月乙丑填星守房占曰女主有黜者以地震為徵地震者陰盈而失其性也四月丙申月掩填星七月戊午又如之是為后妃



有相遷奪者且曰女主死之時比歲地震至三年八月太白又犯軒轅十二月月掩熒惑皆小君之謫也時高后席寵凶悍雖人主猶畏之莫敢動搖故世宗胤嗣幾絕明年上崩后廢爲尼降居瑤光寺尋爲胡氏所害以厭天變也

延昌元年八月己未有流星起五車西南流入畢畢邊兵也占曰有兵車之事以所直名之至二年十一月戊午又有流星起五車西南統殷殷有聲憑怒者事盛也十二月己卯有流星西南流分而爲二又偏師之象也至三年六月辛巳太白晝見占曰西兵大起有王者之喪十一月大將軍高肇伐蜀益州刺史傅豎眼出北

巴平南羊祉出涪安西奚康生出綿竹撫軍甄琛出劔閣會帝崩

旋師先是元年二月己酉水上相犯占曰人君有失地者將死之又曰先作事者敗兵必受其殃三年九月太白掩右執法是爲大將軍有罪刑辟者先自正二年二月梁郁洲人保玄明勸

大將張纓來降及華出征退亦就戰

元年三月乙未有流星起太陽守歷北斗入紫宮抵北極至華蓋而滅太陽守所以彌承帝車大臣之象今使星由之以語天極之位臣執國命將由此始乎且占曰天下大凶主室其空先是去年八月至十月月再入太微是歲三月又如之十二月甲戌月犯火于太微占曰君死不出三年貴人奪權失勢二年三月辛酉熒惑又犯太微占曰天下不安有立君之戒九月丁卯入太微犯屏星明年正月而世宗崩於是王室遂卑政在公輔三年二月月暈畢五車太白東井占主赦是月太

自失行在天關北占有關梁之兵道不通明年正月肅宗立大赦天下二月梁將任太洪帥衆寇關城

四年五月庚戌九月乙丑十月癸巳月皆犯太微中歲而驟干之彊臣不御執法多門之象也閏月戊午月犯軒轅又女主之謫十一月庚寅木火會于室相距一尺至甲午火徙居東北亦相距一尺室爲後宮火與木合曰內亂環而營之或淫事干逼諸侯之象

占曰姦臣謀大將戮若有夷族之害以赦令除之先是三年九月太白犯執法是歲八月領軍于忠擅戮僕射郭祚九月太后臨朝淫放日甚至逼幸清河王懌其後羽林千餘人焚征西將軍張彞宅辜死者百數朝廷不能討於是大赦原羽林亦營室之故也魏收

以為已犯大赦大臣有死者其後安定王薨月犯軒轅女土憂之其後皇太后高尼崩于瑤光寺營室又主土功也胡太后害高氏以厭天變乃以后禮葬之

四年十月太白犯南斗斗為吳分占曰大兵起先是三年四月有流星起天津東南流轢虛危天津主水事且曰有大眾之行其後梁造浮山堰以害淮泗諸將攻之是歲閏月有大彗星起七星南流色正赤光明燭地尾長丈餘歷南河至東井七星河南之分也流星出之有兵起施及東井將以水禍終之又占曰所與城等疑是時鎮南崔亮攻梁師于硤石明年二月鎮東蕭寶夤大破梁淮北軍九月淮堰決梁人十餘萬口皆漂入海

肅宗熙平元年三月丙子太白犯歲星十二月甲辰月犯歲星是謂彊盛之陰而陵少陽之君歲又謬侯也天象若曰始由內亂干之終以威刑及之是歲正月熒惑犯房四月庚子又逆行犯之癸卯月又犯房占曰天下有喪諸侯起霸將相戮十一月大流星起織女東南流長且三丈光明照地占曰王后憂之有女子白衣之會間歲高太后殂司徒國珍薨中宮再有喪事其後僕射于忠司徒任城王澄薨既而太后幽逼清河中王戮死或曰月太白犯歲星懼有饑國且大赦又元年十二月月暈并紫參五車占曰水旱有赦至二年正月大赦十月幽冀滄瀛大饑是月月再暈畢參五車占曰饑赦明年幽州大饑死者數千人自正月不雨至六月是歲四夷反叛兵大出又赦改元

二年六月癸丑有大流星出河鼓東南流至牛十一月流星起河鼓色黃赤西南流長且三丈有光照地至神龜元年四月壬子有流星起河鼓西北流至北斗散滅河鼓鼓旗之應也故流星出之

兵出入之兵入昔宋秦始初大流星出自河鼓西南行竟夜有小星百數從之既而諸侯同時作亂至是三出河鼓秦州屬國羌及南秦東益氏皆反七月河州人却鐵忽與羣盜又起自稱水池王詔行臺源子恭及諸將四出征之朝廷多事故天應屢見云

神龜二年四月甲戌大流星起天市垣西東南流轆尾光明燭地天象若曰將作大眾而從后妃之事矣以所首名之是歲九月太后幸崧高或曰市垣所以均國風尾幽州也明年詔尚書長孫稚

撫巡北蕃觀省風俗二月丙辰月在參暈井背參歲星五車占日有死相且赦明年諸王多伏辜又大赦

二年八月己亥太白犯軒轅是月月又犯之至正光元年正月月又犯軒轅大星四月庚戌金火合于井相去一尺占曰王業易君失政大臣首亂將相戮死以用師大敗五月丙午太白犯月相距三寸占曰將相相攻秦國有戰七月太白犯角角天門也是為兵

及朝廷占曰有謀不成破軍斬將是月侍中元叉燭詔幽太后于北宮殺太傅清河王懌八月中山王熙起兵誅元叉不克遇害明春衛將軍奚康生謀討叉于禁中事泄叉死是冬諸將伐氏官軍敗績

正光元年九月辛巳有彗星光爛如火出于東方陰動爭明之異也感精符曰天下以兵相威以勢相乘至威疑亂起布衣從衡禍未庸息帝宮其空昔正始中天讒字于東北是歲而攝提復周故天象若曰夫讒之亂萌有自來矣彗除之象今則著矣戰國之禍將由此作乎間三年而北鎮肇亂關中迹之自是姦雄鼎沸覆軍相踵其灾之所及且二十餘年而猶未弭焉梁志曰九月乙亥有星晨見東

急兵明年義州反乙亥去辛巳凡六月而北方觀之其氣蓋同矣始于其明以妖南國既又華而布之以除魏邦二年四月甲辰火土相犯於危十一月辛亥金土又相犯于危危

存亡之機太白司兵熒惑司亂而玄枵司人土下之所係命也三  
精滄聚羣臣叶謀以濟屯復之運焉占曰天下方亂甲兵大起王  
后專制有虛國徒王至四年四月己未火土又相犯于室是謂後  
宮內亂且占曰欲殺主天子不以壽終或曰魏氏軒轅之裔填星  
之物也赤靈為母白靈為子經綸建國之命所以傳撥亂之君也  
其受之者將在并州與有齊之國乎其後太后淫昏天下大壞上  
春秋方壯誅諸佞臣由是鄭儼等竦懼遂說太后鳩帝既而余朱  
氏興于并州終啟齊室之運卜洛之業遂丘墟矣二年十月月掩心大星  
至三年正月月掩心距

星四月丁丑又如之占曰亂世在周  
五年間五歲而崩宗崩

三年七月庚申有大流星如五斗器起王良東北流長一丈許王  
良主車騎且曰有軍涉河昭盛者事大是日月在昴北三寸十一  
月乙卯又如之是謂兵加匈奴且胡王之謫也先是蠕蠕阿奴瓌

失國詔北鎮師納之是歲八月蠕蠕後王來奔懷朔鎮開歲阿那

瓌背約犯塞詔尚書令李崇率騎十萬討之出塞三千餘里不及

而還

三年九月庚戌月帶昂畢車五車又昂之占曰闕二百赦至  
三年九月月在畢昂畢皆參五車是歲夏六月十二月大赦

三年二月丁卯月奄太白京師不見涼州以聞占曰天下大兵起

涼州獨見災在秦也三月癸卯有大流星起西北角流入紫宮破

為三段光明照地角星主外朝兵政流星由之將大出師之象若

曰將以兵革之故王室分崩入抵紫宮天下大凶有虛國之象四

月癸酉有大奔星歷紫微入北斗東北首光明燭地殷然如雷盛

怒之象也皆以所直名之至四年八月乙亥月在畢奄熒惑又邊

城兵亂之戒也十月乙卯太白入斗口距第四星三寸光芒相奄

占曰大兵起將戮辱又吳分也五年正月沃野鎮人破落汗拔陵

反臨淮王彧征之敗績于五原六月莫折大提反於秦雍州刺史

元志討之又大敗於隴東明年南方諸將頻破梁師至八月杜落  
周起上谷其後鮮于脩禮反定州王師比歲北征冀方大震既而  
葛榮承之竟陷河北五年二月月在參軍騎參五車東井熒惑八月又暈之  
閏月月在張翼再軍軒轅太微占曰兵起士卒多逐走  
一日士卒大聚又皆赦祥也是時徵調驟起兵相蹈籍又有記內外戒嚴將  
親征自二月至六月再大赦天下十月日在畢暈昂畢參後年春又大赦  
先是二年九月歲星犯左執法至三年正月癸丑又逆行犯之相  
去四寸光芒相及五月丙辰歲星又奄左執法是時宦者劉騰與  
元义叶謀遂總百揆之任故歲星反復由之與高肇同占至四年  
二月騰死义由是失援其年十一月庚戌歲星犯房上相相距二  
寸光芒相奄五年四月巳丑歲星又逆行犯之明年皇太后反政  
义遂廢黜昔高肇為尚書令而歲星三省之及升于上栢歲星亦  
再循之至是三犯執法而騰死再于上相而又敗曠宮之譴異代  
同符矣

幸昌元年五月太白犯軒轅八月在張角盛大占曰有暴酷之兵  
張河南也十二月火入鬼又犯之占曰大賊在大人之側后以淫  
泆失政又秦分也二年正月癸卯金木相犯於牛十一月戊申又  
相犯于女歲所以建國均人女為蠶妾牛為農夫天象若曰是將  
罹以寇戎而喪其耕織之務矣且曰有亂兵大戰而波及齊吳是  
歲八月甲申月在胃奄鎮星閏月癸酉又奄之三年正月戊辰又  
奄之是為女君有罹兵刑之禍者洊干之事甚而眾也又占曰天  
下大喪无主貴人兵死國以滅亡又二年三月奔星大如斗出紫  
微東北流光照地占曰王師大出邦去其君六月有奔星如斗起  
大角入紫宮而滅棟星以肆覲羣后而敷威令于四方也今大號  
由之以詔天極不以逆乎且有空國徙王之戒焉十月有星八月  
中而滅占曰入而無光其國卒滅星反出者亡國復立是歲四月

至三年九月熒惑再犯軒轅大星武泰元年正月又逆行復犯之  
占曰主命將失女君之象亂逆之災三月庚申月奄畢大星占曰  
邊兵起貴人多死者是時淫風滋甚王政盡弛自大河而北極關  
而西覆軍屠邑不可勝計既而蕭寶寅叛于雍州梁師驟伐淮泗  
連兵貴士萬姓嗷嗷喪其樂生之志矣是歲二月帝竟以暴崩四  
月尔朱榮以大兵濟河執太后及幼主沈諸中流害王公以下二  
千遂專權晉陽以令天下焉

三年正月癸酉月在井彙前參兩河  
五車七月大赦明年少主立又大赦

莊帝永安元年七月癸亥太白犯左角相距四寸光芒相掩兵及  
朝廷之象占曰大戰不勝貴人有來者其謀不成至二年閏月熒  
惑入鬼犯積尸占曰兵起西北有鈇鉞之誅是歲北海王顥以梁  
師陷考城執濟陽王暉業乘虛逐勝遂入洛陽至七月王師大敗  
之顥竟戮死有謀不成之驗明年尔朱天光擊反虜萬俟醜奴及

蕭寶寅于安定克之咸伏誅

二年十一月熒惑自鬼入太微西掖門犯上將出東掖門犯上相  
東行累日句巳去來復逆行而西十二月乙丑月又掩之至三年  
正月癸未逆行入東掖門巳丑月入太微龔熒惑辛卯月行太微  
中又暈之三月巳卯在右執法北一尺五寸留十四日至壬辰月  
又掩之復順行而東四月戊午月又于太微而暈巳未熒惑出端  
門在左執法南尺餘而東自魏興以來未有循環反復若此之荐  
也是時孝莊將誅權臣有興復魏室之志是以誠發於中而熒惑  
咨謀於上焉其占曰有權臣之戮有大兵之亂貴人以彊死而天  
下滅亡至五月巳亥太白在參晝見參爲晉陽之墟天意若曰于  
明之釁於是乎在矣七月甲午有彗星晨見東北方在中台東一  
丈長六尺色正白東北行西南指丁酉距下台上星西北一尺而

晨伏庚子夕見西北方長尺東南指漸移入氏至八月己未漸見  
癸亥滅占曰彗出太階有陰謀姦宄與凡天事爲之徵形以戒告  
人主始滌公輔之穢而彗除之權臣將滅之象再干太陽之明而  
後陵奪之逆亂復興之象也三月而見者變近亟也究于內宮者  
反仇其上也近期在衝遠期一年先是二月壬申有大流星相隨  
西北尾迹不絕以干計西北直晉陽之墟而微星庶人所以載皇  
極也人徙而君從之是月戊戌有大奔星自極東貫紫宮而出影  
迹隨之遷君之應至九月上誅太原王榮上黨王天穆于明光殿  
是夕余朱氏黨攻西陽門不克退屯河陰十二月洛陽失守帝崩  
于晉陽白是南宮版蕩劫殺之禍相踵先是永安元年七月丙子  
十一月丙寅十二月癸巳月皆奄畢大星至二年三月乙卯月入  
畢口八月乙丑又距畢左股二寸光芒相奄須臾入畢口十二月

丙辰掩畢右股大星三年六月乙巳又犯畢大星八月庚申入畢  
口犯左股大星是月辛丑太白犯軒轅明年五月月又犯畢右股  
遂入之畢星所以建魏國之命也占曰天下有變其君大憂邊兵  
起上將戮月游干之事甚而衆及余朱兆作亂奉長廣王爲主號  
年建明明年二月又廢之而立節閔六月高歡又推安定王爲帝  
於信都復黜之後更立武帝於是三少王相次崩殂又洛陽再陷  
六宮汗辱有兵及軒轅之效焉

永安二年十月辛亥十二月丁巳月皆在畢畢畢  
填星當參五車普泰元年正月己丑月在用暈軫

角五車九連環暈北斗大角織女十月又暈  
昂畢當參井五車是時肆赦之令歲月相踵

節閔普泰元年五月辛未太白出西方與月並間容一指戰祥也  
先是去年十一月辛丑月在太白北不容一指占曰有破軍殺將  
主人不勝旣而余朱氏南侵王師敗績至是又與月合幾將復之  
乎十月甲寅金火歲土聚于觜參甚明大晉魏之墟也且曰兵喪

並起霸君興焉是時渤海王歡起兵信都改元中興至十一月巳  
卯奔星如斗起太微東北流光明燭地有聲如雷占曰大臣有外  
事以所首事命之或曰中國失君有立王遷主著而有聲者盛怒  
也是時余朱氏成師北伐明年三月癸巳火逆行犯氏占曰天子  
失其宮閨月庚申歲星入鬼犯天尸占曰有戮死之君既而余朱  
兆等大敗于韓陵覆師十餘萬四月武帝卽位比及歲終凡殺三  
廢帝孝武永熙元年九月太白經天十一月辛丑有大流星出昴  
北東南流轢畢貫參光明照地有聲如雷天象若曰將有髦頭之  
兵憑陵塞垣與大司馬合戰明年正月丁酉渤海王歡追擊兆等  
于赤洪嶺大破之余朱氏殲焉

二年四月太白晝見九月丁酉火水合于翼相去一寸光芒相掩  
占曰是謂內亂姦臣謀人主憂甲寅金火合于軫相去七寸光芒

相及占曰是謂相鏢不可舉事用兵翼軫南宮之蕃又荆州也

三年三月癸巳有奔星如三斛甕起匏瓜西流入市垣有光燭地  
迸流如珠尾跡數丈廣且三尺凝著天狀如蒼白雲須臾屈曲蛇  
行匏瓜爲陰謀星大如甕爲姦謀舉事光盛且大人貴而衆也以  
所首名之且爲天飾王者更均封疆是時斛斯椿等方說上伐高  
歡荆州刺史賀拔岳預謀焉高歡知之亦以晉陽之甲來赴七月  
上自將十餘萬次河橋望歡軍憚之不敢戰遂西幸長安至十月  
渤海王更奉孝靜爲主改元天平由是分爲二國更均封疆之應  
也是月歡命侯景攻荆州拔之勝南奔

是年二月庚子水逆行在左執法北一  
寸光芒相掩五月甲申又在執法西半

寸年見乍不見占曰強臣擅命改政建元十二月上崩由是高歡宇文泰擅權兩國又二年十一  
月乙丑三年八月庚午十二月庚申月皆在畢彙畢彙參五車自三年二月至明年正月東西魏

凡四  
太極

三年五月巳亥熒惑逆行掩南斗魁第二星遂入斗口先是元年



十一月熒惑入斗十餘日出而逆行復入之六十日乃去斗大人  
之事也占曰中國大亂道路不通天下皆更元易政吳越之君絕  
嗣是歲東西帝割據山河遂為戰國比十月至正月梁魏三帝皆  
大赦改元或曰斗為壽命之養而火以亂氣干之耄荒之戒也是  
時梁武帝年已七十矣怠於聽政專以講學為業故皇天殷勤著  
戒又若言曰經遠之謀替矣將以逆亂終之而勦其天祿焉夫天  
懸而示之且猶不悟其後攝提復周卒有侯景之亂云

三年十二月梁

魏王屯平瀨明年正月東南行臺元晏大破之六月豫州刺史克維又大破梁師於南頓十月梁  
攻置父徐州刺史任祥又大破之斬虜萬餘級十二月柳仲禮寇荊州諸將又大破之時梁軍政  
益施故累有  
負敗之應

東魏孝靜天平二年有星孛于太微歷下台及室壁而滅南宮成  
周之墟孝文之餘烈也孛星由之易政徙王之戒天象若曰王城  
為墟夏聲幾變而台階持政有代奪之漸乎且抵于營室更都之

象也是後兩霸專權皆以北俗從事河南新邑遂為戰爭之郊間

三歲至興和元年九月發司州卒十萬營鄴都十月新宮成

天平元  
年閏月

月掩心大星二年八月又犯之相去七寸十一月又掩心小星相臣逼主之象且占曰人臣伐主  
應以善事除殃時兩維王業已定特以人臣取容而已至興和二年八月月又犯心大星後數年  
而禪  
代

元象二年七月壬戌金土合于七星癸亥遂犯七星七星河南之

分金而犯土將有封畿之戰且占曰其分亡地先是去年十二月

癸丑太白食月是歲三月壬申太白又與月合相距一寸大戰之

祥也月象彊大之國而金合之秦師將勝焉十二月有流星從天

市垣西流長且一丈有尾跡三年正月渤海王歡攻夏州克之十

月丁丑月犯火占曰大將有鬪死者十二月大都督竇泰入潼關

明年宇文泰距擊斬之十月遂及渤海王歡戰于沙苑歡軍敗績

捕虜萬餘是月獨孤信拔洛陽

三年十一月火惑犯歲星占曰有內亂臣謀主至四年正月客星出于紫宮占曰國有大變二月壬申八月癸未月再掩五車東南星占曰兵起道不通十一月太白晝見占曰軍興為不臣五年二月庚戌三月甲子填星逆順行再犯上相上相司徒也六月太白入東井占曰秦有兵大臣當之至元象元年七月太白在柳晝見柳河南也八月辛卯有大流星出房心北東南行長且三尺尾迹分為三段軍破為三之象也先是行臺侯景司徒高昶圍金墉西帝及宇文泰自將救之是月陳于河陰泰以中軍合戰大克司徒高昶死之既而左右軍不利西師由是敗績斬將二十餘人降卒六萬是月西帝大傅梁景叔據長安反關中大震尋皆伏誅天平三年元年三月月再掩軒轅大星是年西帝廢皇后乙氏立蠕蠕女為后明年五月火犯軒轅大星既而乙氏遇害其後蠕蠕后又死乙氏為象焉元象元年十月月犯昴畢畢胃丁未在翼堂大星軒轅左角十一月在井畢五車

兩歲東西主凡三大救

興和元年二月壬子火犯井占曰秦有兵亂貴人當之四月又入鬼亦兵喪之祥也又土地之分也至二年十一月甲戌太白在氏與填星相犯氏鄭地也至四年七月壬午火木合于井相去一尺占同天平明年北豫州刺史高仲密據武牢西叛宇文泰帥眾援之戊申及渤海王戰于邗山西軍大敗虜主侯將校四百餘人獲六萬餘級元年八月月在畢畢畢畢五車二年正月大救三年正月至八月又再暈之歲星在焉四年十一月月暈軒轅太微壬申又暈胃畢畢五車皆兵饑救祥也明年東西主皆大救後年三月高歡入朝以春冬元早請賑窮乏死罪已下皆宥之先是元年十月辛丑有彗星出于南斗長丈餘至十一月丙戌距太白三尺長丈餘東南指二月乙卯至婁始滅占曰彗出南斗之士皆誅其上疑又吳分始自微末終成著大而與兵星合焉天戒若曰夫劫殺之萌其事由來漸矣而人君辨之不早終以兵亂橫流不可撲滅焉婁又徐方之次亂之所自招也至二月四月巳丑金木相犯于奎丙午火木又相犯于奎

奎為徐方所以虞蹶防之寇也歲主建國之令而省人君之差收  
火主亂金主兵三精洊而聚謀所以哀矜下土而示驅除之戒也  
是時梁主衰老太子賢明而不能授之以政焉由是領軍朱异等  
浸侵明福之權至武定五年侯景竊河南六州而叛又與連衡而  
附益之是歲十二月梁師敗績于彭城捕虜五萬餘級江淮之間  
始蕭然愁歎矣明年師大敗陷溺以十萬數景遂舉而濟江三吳  
大荒道殣流離者大半淮表二十六州咸內屬焉昔三精聚謀於  
危九年而高氏霸至是聚謀於奎而蕭氏亡亦天之大數云爾至  
武定二年四月丁巳熒惑犯南宮上將戊寅又犯右執法占曰中  
坐成刑金火尤甚四年四月庚午金晝見六月癸巳月入畢九月  
壬寅太白在左執法東南三寸許是為執法事五年正月月犯畢  
大星貴人之謫也先是九月大丞相歡圍玉壁不克是月歡薨于

晉陽辛亥侯景反僕射慕容紹宗擊之八月淮南三王謀反誅明

紹宗攻王思政于潁川竟溺四年九月月在翼轸軒轅太微帝坐五年二月暈昂畢  
參并五市五月在張又暈軒轅太微時兵革屢動東西

帝皆比  
歲大赦

七年九月戊午月掩歲星在斗斗為天廟帝王壽命之期月由之

以千歲星是為大人有篡殺死亡之禍是歲梁武帝以憂逼殂明

年而齊帝後年西主文帝及梁簡文又終天下皆有大故而江表

尤甚八年三月甲午歲鎮太白在虛虛齊分是為驚立絕行改立

王公熒惑又從而入之四星聚焉五月丙寅帝禪位于齊是歲西

主大統十六年也是時兩主立而東帝得全魏之墟於天官為正

昔宋武北伐四星聚奎及西伐秦四星聚井四星聚參而渤海始

霸四星聚危而文宣受終由是言之帝王之業其有徵矣其後六

年西帝禪于周室天文史失其傳也

魏書卷一百六上  
天象志一第...終

魏書卷一百六上

地形志二上第五

夏書禹貢周氏職方中畫九州外薄四海析其物土制其疆域此蓋王者之規摹也戰國分并秦吞海內割裂都邑混一華夷漢興即其郡縣因而增廣班固考地理焉彪志郡國魏世三分晉又一統地道所載又其次也自劉淵石勒傾覆神州僭逆相仍五方淆亂隨所踰博長更相侵食彼此不恒犬牙未足論繡錯莫能比

魏定燕趙遂荒九服夷翦逋僞一國一家遺之度外吳蜀而已正光已前時惟全盛戶口之數比夫晉之太康倍而已矣孝昌之際亂離尤甚恒代而北盡為丘墟嶠潼已西煙火斷絕齊方全趙死如亂麻於是生民耗滅且將大半永安末年胡賊入洛官司文簿散棄者多往時編戶全無追訪今錄武定之世以為志焉州郡

西...氏...

改隨而注之不知則闕內史及相仍代相泐魏自明莊寇難紛料  
攻伐既廣啟土逾眾王公錫社一地累封不可備舉故總以為郡  
其淪陷諸州戶據永熙籍籍無者不錄焉

司州 治鄴城魏武帝國於此太祖天興四年置相州天平元年遷都改

領郡十二

縣六十五

戶三十七萬一千六百七十五

口一百四十五萬九千八百三十五

魏并 故魏郡漢高祖置二漢屬冀州晉屬司州天興中屬相州天平初改為尹

領縣十三

戶一十二萬二千六百一十三

口四十三萬八千二十四

鄴 二漢屬晉天平初併蕩陰安陽屬之蕩陰太和初置關今罷有西門豹祠武城屬臨漳天平初分

鄴所內黃斥丘肥鄉置有鼓山肥鄉城邯鄲城斥丘城列人城鶴鵠城林臺澤有左部東部北部尉繁陽 二漢屬晉屬屬項之真君六年併真丘太

列人 前漢屬廣平後漢屬晉屬廣平天平初屬昌樂 太和二十一年分魏置永安元 武安 二漢屬晉屬廣平 臨水

晉屬廣平真君六年併屬魏 二漢屬晉屬廣平 平邑 太平二年分元城置 易陽 二漢屬趙國晉屬廣平 元城 二漢屬

鄴太和二十一年復屬魏 二漢屬晉屬廣平 平邑 太平二年分元城置 易陽 二漢屬趙國晉屬廣平 元城 二漢屬

平天平初屬斥章 前漢屬廣平後漢屬鉅鹿晉屬廣平真君 貴鄉 太平二年分館陶置治趙

陽平郡 魏文帝黃初二年分魏置治館陶城

領縣八

戶四萬七千四百四十四

口十六萬二千七十五

館陶 二漢屬魏郡晉屬有館陶城 清淵 二漢屬郡晉屬有清淵城 樂平 二漢屬東郡晉屬前漢清縣後漢章帝更名治樂平城 發干 二漢屬東

臨濟 太和二十一年置 武城 永安中置天平元年罷二年復有武城 武陽 二漢屬東郡日東武陽後改屬 陽平 二漢屬東

嘉後併樂平太和二十一年後屬有陽平城尚城趙簡子陵武溝水白馬淵

**廣平郡** 漢武帝為平千國宣帝改為廣平國後漢建武  
中省屬鉅鹿魏文帝黃初二年復改治曲梁城

領縣六

戶二萬二千七百五十

口十萬三千四百三

**平恩** 二漢屬魏郡晉屬治  
平恩城有康臺澤 **曲安** 景明中分平恩  
置治曲安城 **邯鄲** 二漢屬趙國晉屬後屬  
魏真君六年屬有紫山 **廣平** 前漢

漢屬鉅鹿晉屬後罷太  
和二十年復治廣平城 **曲梁** 前漢屬後漢  
屬魏晉屬 **廣年** 前漢屬後漢屬鉅鹿晉屬永嘉  
後廢太和二十年復治廣年城

**汲郡** 晉武帝置  
治城頭

領縣六

戶二萬九千八百八十三

口十萬二千九百九十七

**北修武** 孝昌中分南修武置治清陽城有清陽泉馬泉丁公神有河陶  
河賦十泉覆釜山五里泉七里殿馬鳴泉重泉郡戒安陽城 **南脩武** 二漢屬河  
內晉屬有

黃家吳城 **汲** 二漢屬河內晉屬後罷太和十二年復治汲城有比干墓太  
陽城 公廟陳城興和二年恒農人率戶歸國仍置義州於城中 **朝歌** 二漢屬河內晉  
屬有朝歌城在

方城大方山淇水白溝水 **山陽** 二漢晉屬河內以屬有沁陽城南北二武陽城  
天井溝苑城新城伏羲祠 孝景二年置郡一治共城後移治山陽城尋罷 **獲嘉** 二漢屬河  
省太和二十二年復

治新洛城有獲嘉城

**廣宗郡** 太和十一年立  
尋罷孝昌中復

領縣三

戶一萬三千二百六十二

口五萬五千八百九十七

**廣宗** 後漢屬鉅鹿晉屬安平中興中立南北 **武強** 真君二年併信都太和  
宗尋罷後屬有廣宗城建始城建德城 **經** 後漢晉屬安

併南宮  
後復屬

**東郡** 秦置治滑臺城晉改為濮陽後復  
天興中置兗州太和十八年改

領縣七

戶三萬五百二十一

口十萬七千七百一十七

**東燕** 二漢屬晉屬濮陽後屬 **平昌** 孝昌四年分白 **白馬** 二漢屬晉屬濮陽後屬有 **涼城** 涼

城南中城 **酸棗** 二漢晉屬陳留後屬有 **長垣** 二漢晉屬陳留後屬真君八年併外黃景

西王母祠 **長樂** 武泰初分涼 **長垣** 明五年復有平丘城匡城蒲城子路祠長

垣城衛靈公祠龍城 **北廣平郡** 廣平置 **領縣三**

**戶一萬六千六百九十一**

**口九萬一千一百四十八**

**南和** 前漢屬廣平後漢屬鉅鹿晉屬後併任太和二十年 **任** 前漢屬廣平後漢屬鉅鹿晉屬有

年復有左陽亭沙陵南和城一名 **嘉和城** 安豐城 **任** 廣平鄉城宛鄉城豐城張相祠

**襄國** 秦為信都項羽更名二漢屬趙國晉 **林慮郡** 永安元年置

**領縣四**

**戶一萬三千八百二十一**

**口五萬二千三百七十二**

**林慮** 二漢屬河內晉屬汲郡前漢各隆慮後漢避穆帝各改焉 **臨淇** 天平初分朝歌林慮其

流為淇有黎川帖 **共** 二漢屬河內晉屬汲郡天平中屬有星城凡城卓水 **魏德** 天平二年分朝歌

栢嶺黎城淇城 **頓丘郡** 晉置 **領縣四**

**戶一萬七千一十二**

**口八萬七千六十三**

**頓丘** 太和中併汲郡餘民在畿外者景明 **衛國** 二漢屬東郡晉屬漢曰觀後漢光武改有衛

中置有魚陽學帝額填冢帝營冢 **陰安** 二漢屬魏郡晉屬真君三年併衛國太

冢衛靈公 **臨** 真君三年併衛國太和十九年 **陰安** 二漢屬魏郡晉屬真君三年併衛國太

冢武鄉城 **濮陽郡** 晉置天興中屬兗州太和十二年屬 **領縣四**

**戶一萬八千六百六十四**

**齊州孝昌末又屬西兗天平初屬**

口五萬五千五百一十二

**廩丘**

前漢屬東郡後漢屬濟陰晉屬有羊角哀左伯桃冢管公明冢

**濮陽**

二漢屬東郡晉屬

**城陽**

二漢晉屬濟陰後漢屬有瓠子河雷澤

**鄆城**

二漢屬濟

屬陰音

**黎陽郡**

孝昌中分汲郡置以黎陽城

領縣三

戶一萬一千九百八十

口五萬四百五十七

**黎陽**

二漢晉屬魏郡後罷孝昌中復屬有黎陽山

**東黎**

永安元年分黎陽置

**頓丘**

二漢屬東郡晉屬頓丘太和十八年屬汲後屬永安元年分入內黃天平中罷

**清河郡**

漢晉

領縣四

戶二萬六千三十三

口十二萬三千六百七十

**清河**

二漢晉屬前漢曰厝後漢安帝改為甘陵晉改有河城

**貝丘**

二漢晉屬

**侯城**

太和十三年置有侯城

**武城**

二漢晉曰東武城屬後改有武城有

閣閣

**定州**

太祖皇始二年置安州天興三年改

領郡五

縣二十四

戶一十七萬七千五百一

口八十三萬四千二百七十四

**中山郡**

漢向帝置景帝三年改為國後改

領縣七

戶五萬二千五百九十二

口二十五萬五千二百四十二

**盧奴**

州郡治二漢屬世祖神麤中置新城官有焉卿城樂陽城

**上曲陽**

前漢屬常山後漢屬晉屬常山真君七年併新市景明元年復屬有關樂城有恒山嘉山黑山堯山

**黃魏昌**

二漢晉屬前漢曰苦陘後漢章帝改為漢昌魏文帝改為魏昌城安城

**新市**

二漢晉屬有蘭相如家義臺城新市城

**毋極**

二漢屬晉罷太和十二年



復治毋極城  
**安喜** 二漢晉屬前漢曰安險後漢章帝改有天井澤安喜城趙堯祠  
唐二漢晉屬有左人城  
有新城廉臺

**常山郡** 漢高帝置曰恒山郡文帝諱桓改為常山後漢建武中曰真定郡屬焉孝章建初中為淮陽永元二年復

領縣七

戶五萬六千八百九十

口二十四萬八千六百二十二

**九門** 二漢晉屬有常山城九門城有安樂壘燕趙神受陽壘明臺神  
前漢屬真定國後漢晉屬故東  
後改太和十四年置唐郡二十一年  
巨漢高帝十一年改有趙胡祠  
南行唐屬

**石邑** 前漢屬後漢罷晉復屬有石邑城  
**蒲吾** 二漢晉屬有嘉陽城  
**靈壽** 二漢晉屬有所山  
西王母祠慈水  
**井陘** 二漢晉屬有四星城

**鉅鹿郡** 秦置後漢建武中省置平國屬焉

領縣三

戶二萬七千一百七十二

口一十三萬二千三百二十九

**曲陽** 二漢晉屬趙國曰下曲陽後改有臨平城真鄉城曲鄉城有堯祠青丘  
高城 前漢屬真定後漢屬晉罷  
太和十二年復有肥壘  
郟 二漢晉屬有

有西門趙君神有青丘  
牛丘黃丘馳丘靈丘

**博陵郡** 漢桓帝立

領縣四

戶二萬七千八百一十二

口一十三萬五千七

**饒陽** 前漢屬涿後漢屬安平晉屬有魯口城博陵城三良神饒陽城  
前漢屬涿後漢屬安平晉屬  
治安平城有樓女貴人神  
**深澤** 前漢屬涿後漢屬安平晉屬

屬二漢晉曰南深澤  
後改有女媧神祠  
**安國** 二漢屬中山晉屬真君七年併深澤景明二年復有靈石淵安國城

**北平郡** 孝昌中分中山置治北平城

領縣三

戶一萬三千三十四

口六萬五千一百二

蒲陰

二漢晉屬中山前漢曰曲逆章帝改

北平

二漢晉屬中山有北平城木門城

望都

二漢晉屬中山有高昌城朝陽城伊

神孫山

冀州

後漢治高邑袁紹曹操為冀州治鄴魏晉治信都晉世邵續治厥次慕容垂治信都皇始二年半信都仍置

領郡四

縣二十一

戶一十二萬五千六百四十六

口四十六萬六千六百一

長樂郡

漢高帝置為信都郡景帝二年為長樂郡國明帝更名樂成安帝改曰安平

領縣八

戶三萬五千六百八十三

口十四萬三千一百四十五

堂陽

前漢屬鉅鹿後漢晉屬安平國後屬有刑丘

棗強

前漢屬清河後漢罷晉復屬廣川神瑞二年併廣川和二十二年後屬有煮棗城

扶柳

前漢屬後漢晉

索盧

晉屬廣川神瑞二年併廣川太和二十二年後屬有索盧城

廣川

前漢屬後漢屬清河晉屬廣川後屬

信都

二漢晉屬有武陽城安城辟陽城

下博

二漢晉屬

渤海郡

漢高帝置世祖初改為滄水郡太和二十一年復

領縣四

戶三萬七千九百七十二

口一十四萬四百八十二

南皮

一漢晉屬有勃海城

東光

二漢晉屬

脩

前漢晉屬號脩後改有董仲舒祠

安陵

晉置渤海

武邑郡

晉武帝置

領縣五

戶二萬九千七百七十五

口一十四萬四千五百七十九

武遂

前漢屬河間後漢晉屬安平後屬

阜城

前漢屬渤海後漢屬安平晉屬渤海後屬有弓高城

灌津

前漢屬信都後漢晉屬安平後屬有竇氏冢

武邑

武強

神光二年併武邑太和十八年復有武強淵

**安德郡** 太和中置尋併渤海中興中復

領縣四

戶二萬二千二百一十六

口六萬八千三百九十六

**平原** 一漢晉屬齊君三年併屬太和二十一年復屬渤海後屬 **安德** 二漢晉屬平原後屬渤海後屬 **繹幕** 二漢晉屬清河真君三年併

**并州** 漢晉治晉陽初晉末治臺壁後治晉陽皇始元年平仍置

領郡五

縣二十六

戶一十萬七千九百八十三

口四十八萬二千一百四十

**太原郡**

領縣十

戶四萬五千六

口一十萬七千五百七十八

**晉陽** 二漢晉屬晉君九年罷榆次屬焉有介子推祠西南有懸壺山一名龍山晉水所出東入汾有晉王祠使陽城同過水出木瓜嶺一出活嶺一出大廉山一出原過祠下五水合道故曰同過西南 **中都** 二漢晉屬有榆次城壽陽 **郿** 二漢晉屬有郿城郿奚墓 **榆次** 二漢晉屬真君九年復有 **平** 二漢晉屬真君九年復有

**遼** 二漢晉屬平遼屬後改治二漢屬上黨晉屬樂平真君九年罷樂平郡屬焉 **受陽** 晉屬樂平真君九年罷樂平屬焉 **長安** 太常二年置真君中省景陽邑復有白壁嶺樊陽水入表山徐水

**上黨郡** 秦置治壺關城前漢治長子城董卓作亂治壺關城慕容儁治安民城後遷壺關城皇始元年遷治安民真君中復治安民城有白馬祠劉公祠上黨關石井關天井關

領縣五

戶二萬五千九百三十七

口一十萬四千四百七十五

**屯留** 二漢晉屬有屯留城鳳凰山一名大冢山大王山上有關龍逢祠有疑山蓮澤黃沙嶺絳水自寄氏界來入濁漳因名交漳余五城陽水源出三槐山東流合車臺水東南入絳水

**長子** 二漢晉屬晉容永所郡有廉山濁漳出焉有長子城應城傾城幸城長灣水東流至梁川北入濁漳羊頭山下神農泉北有穀關即神農得嘉穀處有泉北流至陶鄉名陶水合羊

頭山水北流人 **壺關** 二漢晉屬後罷太和十三年復有羊腸坂靜林山鷄鳴嶺一名大山有赤濁漳有鮑宣墓 襄川其地寒而早霜曾般門一名天門敬子城鐵鼓山五馬門令狐徵君墓五

**寄氏** 一漢晉屬晉景明元年復改有荷氏城三想山北有水源出蒲谷東南流龍嗣 人給水有八禮泉上黨谷有盤秀嶺藍水出其南東流入濁漳有方山伏牛山 **樂陽** 普泰中分長子寄氏置有

望天嶺絳水所出有堯廟 **鄉郡** 石勒分上黨置武鄉郡後罷延和二年置

**領縣四**

戶一萬六千二百一十

口五萬五千九百六十一

**陽城** 二漢晉屬上黨曰涅永安中改有涅 **襄垣** 二漢晉屬上黨有五音 **鄉** 郡治晉屬上黨城覆龍山沮水出焉東南合武鄉水 **山** 神農襄垣城臨川城 **鄉** 真君九年罷遼

陽屬焉有武鄉城城榆社城方山上有堯廟三臺 **銅鞮** 二漢晉屬上黨有銅鞮城石弟水東嶺上有李陽墓有去麻池即石勒與李陽所爭池 行入漳有烏蘓城沙石堆有堯祠

**樂平郡** 後漢獻帝置真君九年治 **領縣三** 後漢孝昌二年復治沾城

戶一萬八千二百六十七

口六萬八千一百五十九

**遼陽** 晉屬真君九年併鄉孝昌二年復有黃澤嶺遼陽城 **樂平** 晉屬真君九年併治孝昌二年復有象山祠沾嶺八賦嶺 **石艾** 前漢屬太原後罷

孝昌六年復故名上艾後改有井 際關華澤關董卓城宏女泉及祠

**襄垣郡** 建義元年置 治襄垣城

**領縣四**

戶七千五百一十三

口三萬六千五百六十七

**襄垣** 郡治建義元年分鄉郡之 **五原** 建義元年分鄉郡之銅鞮置 **建義** 建義元年分上黨之屯 **刈陵** 襄垣置有安民城襄垣城

二漢晉曰路屬上黨真君十一年改後屬有伏牛山 黎城三壘山積布山路城武軍城涉城有沙太臺壁

**瀛州** 太和十一年分定州河間高陽 冀州章武浮陽置治趙都軍城

**領縣三**

戶十萬五千五百四十九  
口四十五萬一千五百四十二

高陽郡 晉置高陽國後改

領縣九

戶三萬五百八十六

口十四萬一百七

高陽 前漢屬涿後漢屬河間國晉復有郡神高陽城 博野 有博陸城侯城武城中鄉城 蠡吾 前漢屬涿後漢屬中山晉屬有清涼城顯項城蠡吾城石羊壘 易

前漢屬涿漢晉 扶輿 前漢屬涿後漢罷晉復屬前漢晉曰樊輿後罷太和後改 新城 二漢晉曰北新城前漢屬中山後漢屬涿晉 樂鄉

前漢屬信都後漢罷晉後屬有樂鄉城 永寧 有班姬神晉高祖太和元石關神 清苑 高祖太和元年分新城置

章武郡 晉置章武國後改

領縣五

戶三萬八千七百五十四

口十六萬二千八百七十

成平 前漢屬渤海後漢屬河間國後屬治京城有平城樂平城 平舒 前漢屬渤海後漢屬河間國晉屬一漢晉曰東平舒有章武城平鄉城 東州 有城頭神里城神

前漢屬渤海後漢屬河間國晉屬有東州城 文安 前漢屬渤海後漢屬河間國晉屬有文安平曲城廣陵趙君神 西章武 正光中分滄州章武置有章武城

河間郡 漢文帝置河間國後漢光武併信都 和帝永元三年復晉仍為國後改

領縣四

戶三萬五千八百九

口十四萬八千五百六十五

武垣 前漢屬涿郡後漢晉屬有武垣城小陵城 樂城 二漢晉屬治河間城有高平陵二王陵 中水 前漢屬涿郡後漢晉屬河間國 鄭 後漢晉屬治陵城有

殷州 孝昌二年分定相二州置治廣阿

領郡三

縣十五

戶七萬七千九百四十三

口三十五萬七千一十六

**趙郡** 秦邯鄲漢高帝為趙國景帝又為邯鄲後漢建武中復後改

領縣五

戶三萬一千八百九十九

口一十四萬八千三百一十四

**平棘** 二漢屬常山晉屬有房子 **房子** 二漢屬常山晉屬有房子 **元氏** 二漢屬常山晉屬 **高邑** 二漢屬常山晉屬

山前漢曰部後漢光武改晉屬有藥城 **藥城** 太和十一年分平棘

**鉅鹿郡** 永安二年分定州鉅鹿置治舊楊城

領縣四

戶一萬三千九百九十七

口五萬八千五百四十九

**慶陶** 二漢晉屬治慶陶城有沃州城 **宋子** 二漢屬後罷永安二年復治宋子城 **西經** 永安二年分經縣 **慶遙** 永安二年分慶陶置治楊

壁城

**南趙郡** 太和十一年為南鉅鹿屬定州十八年屬相州後改孝昌中屬

領縣六

戶三萬二千四十六

口十五萬一百一十二

**平鄉** 晉屬後罷景明二年復 **南樂** 二漢屬鉅鹿晉罷後復真君六年併 **鉅鹿** 二漢晉屬 **栢** 二漢晉屬有栢人城栢鄉城

**廣阿** 前漢屬鉅鹿後罷太和十三年復 **中丘** 前漢屬常山後漢晉屬趙國

中丘城伯陽城鵲山祠

**滄州** 熙平二年分瀛冀二州置治饒安城

領郡三

縣十二

戶七萬一千八百三

口二十五萬一千八百七十九

浮陽郡 太和十一年分渤海章武置屬州景明初併章武熙平二年復

領縣四

戶二萬六千八百八十

口九萬八千四百五十八

饒安

二漢晉屬渤海前漢曰千童靈帝改有無棣溝西鄉茅焦冢

浮陽

郡治二漢晉屬渤海西接漳水入焉今謂之合口有浮水

高城

二漢晉屬渤海治高

城有平津鄉典和中縮流民立東西河郡隰城縣武定末罷

章武

二漢屬渤海晉屬章武後屬治章武城有漢武帝臺漳水入海有沾水大家姑祠俗云海神或云麻姑神

樂陵郡

晉為國後改

領縣四

戶二萬四千九百九十八

口八萬五千二百八十四

樂陵

郡治二漢屬平原後屬魏初置義興郡晉太和中罷有樂陵城東鄉城白麻泉神

陽信

二漢屬渤海晉屬治陽信城有鹽山神祠

厭次

二漢屬平原後漢曰富平

孝明改晉屬治馬領城有蒲臺祠有富城鄧續居之號邵城中有鐵柱神羊關城

濕沃

前漢屬千乘國後罷晉復屬治亂城有故閭閭延鄉城后父城

安德郡

中興初分樂陵置太昌初罷天平初復治般界

領縣四

戶一萬九千九百二十五

口六萬八千一百二十七

般

二漢晉屬平原後屬渤海熙平中屬樂陵後屬治般城有故般河

重合

二漢晉屬渤海正平元年併安陵太和十八年復後屬渤海熙平中屬樂陵後屬治重合城有苑康冢

重平

前漢屬渤海後罷孝昌中復屬有歐陽欽冢

平昌

二漢晉屬平原後漢晉曰西平昌後罷太和二十一年復屬渤海熙平中屬樂陵後屬治平昌城

肆州

治九原天賜二年為鎮真君七年置州

領郡三

縣十一

戶四萬五百八十二

口一十八萬一千六百二十三

永安郡

後漢建安中置新興郡永安中改

領縣五

戶一萬二千七百四十八

口一十萬四千一百八十五

**定襄** 前漢屬定襄後漢屬雲中晉屬新興真君七年併雲中九原晉昌屬焉永安 **陽曲** 二漢中屬有趙武靈王祠介君神五石神關門山聖人祠皇天神定襄城撫城 晉屬

太原永安中屬有 **平寇** 真君七年併三堆朔方定陽屬焉 **蒲子** 始光二年置真君七年併平羅陰城陽曲澤 河屬焉永安中屬有索山祠

**驢夷** 二漢屬太原曰慮虎首罷太和十年復改永安中屬有思陽城驢夷城倉城代王神祠

**秀容郡** 永興二年置真君七年併肆盧敷城二郡屬焉

**領縣四**

戶一萬一千五百六

口四萬七千二十四

**秀容** 永興二年置有秀容城原平城肆盧城 **石城** 永興二年置肆盧 治新會城真君七年併三會屬焉有清天

神大羅山臺 **敷城** 始光初置郡真君七年改治敷城有石谷山亞角神車輪泉神

**鴈門郡** 泰置光武建武十五年罷一十七年復天興中屬河州太和十八年屬

**領縣二**

戶六千三百二十八

口二萬四百三十四

**原平** 前漢屬太原後漢晉屬有陰館城 **廣武** 前漢屬太原後漢晉屬有東西二平原

**幽州** 治薊城

**領郡三**

縣十八

戶二萬九千五百八十

口一十四萬五百三十六

**燕郡** 故燕漢高帝為燕國昭帝改為廣陽郡宣帝更為國後漢光武併上谷和帝永元六年復為廣陽郡晉改為國後改

**領縣五**

戶五千七百四十八

口一萬二千五百五十九



蕪陵一漢屬蕪陵王陵狼山神辰陵辰陵廣陽一漢屬廣陽晉屬有廣陽城良鄉二漢屬涿晉屬范陽後屬軍都

前漢屬上谷後漢屬廣陽晉屬有觀石山軍都關白平城安城前漢屬渤海後漢屬廣陽晉屬有安次城長道城

范陽郡漢高帝置涿郡後漢章帝改

領縣七

戶二萬六千八百四十八

口八萬八千七百七

涿二漢屬涿晉屬有固安城范陽二漢屬涿晉屬有長葛鄉晉屬

固安二漢屬涿晉屬有固安城永陽城金臺二公臺易臺容城前後漢屬涿晉屬後漢屬涿晉屬有遼城南北二道城

漁陽郡秦始皇置直真君七年併北平郡屬焉

領縣六

戶六千九百八十四

口二萬九千六百七十

雍奴二漢屬晉屬國後屬真君七年併安樂平谷屬焉有樂山神無終二漢屬右北

城復漁陽二漢屬晉屬後復有漁土垠二漢屬右北平徐無二漢屬右北平

晉州孝昌中置唐州建義元年改治白馬城

領郡十二

縣三十一

戶二萬八千三百四十九

口一十萬三千九

平陽郡晉分河東置真君四年置東雍州太和十八年罷改置

領縣五

戶一萬五千七百三十四

口五萬八千五百七十二

禽昌二漢屬河東晉屬即漢晉之北屈也神勝元年世祖禽赫連平陽二漢屬河東晉屬州

太和十一年復有晉永襄陵二漢屬河東晉屬臨汾二漢屬河東晉屬真君七年復泰平真君七年置有

齊城 泰平城

北絳郡 孝昌三年置治絳

領縣二

戶一千七百四十

口六千二百九十二

新安 二漢屬恒農晉屬河南後罷孝昌二年復後屬 北絳 二漢屬河東晉屬平陽二漢晉曰絳後罷太和十二年復改屬

永安郡 建義元年治永安城

領縣二

戶二千九百三十二

口一萬五百四十

永安 二漢屬河東晉屬平陽前漢曰彘順帝改真君七年併禽昌正始二年復屬治仇池壁有霍山祠趙城 楊 二漢屬河東晉屬平陽後罷太和二十一年復後屬治楊城有

岳陽山 東明神

北五城郡 興和二年置

領縣三

戶二百一十二

口八百六十四

平昌 興和二 石城 興和二 北平昌 興和二

定陽郡 興和四年置

領縣三

戶四百九十八

口一千九百四十一

平昌 興和四年置

西五城 興和四年置

敷城郡 天平四年置

領縣一

戶九十

口三百五十九

敷城 天平四年置

河西郡 天平四年置

領縣一

戶二百五十六

口一千一百四十四

夏陽 天平四年置

五城郡 天平中置

領縣三

戶四百二十一

口一千六百一十八

北棗 天平二年置 南棗 天平二年置 永安 元象元年置

西河郡 舊汾州西河民孝昌二年為胡賊所破遂居平陽界還置郡

領縣三

戶一千七百六十一

口四千九百九十七

永安 孝昌中置 隰城 孝昌中置 介休 孝昌中置

冀氏郡 建義元年割平陽郡置

領縣二

戶一千三百二

口五千三百一十六

冀氏 建義元年割禽昌襄陵置有冀氏城 合陽 建義元年置有合陽城

南絳郡建義初置 治會交川

領縣二

戶八百三十六

口二千九百九十一

南絳太和十八年置屬 正平郡建義初屬小鄉建義元年罷 有小鄉城

義寧郡建義元年置 治孤遠城

領縣四

戶二千四百七十八

口八千四百六十六

圍城建義元年置 治陶谷川義寧建義元年 分禽昌置安澤建義元年 置沁源建義元年 置郡治

懷州天安二年置太和 八年罷太平初復

領郡二

縣八

戶二萬一千七百四十

口九萬八千三百二十五

河內郡漢高 帝置

領縣四

戶九千九百五

口四萬二千六百一

野王二漢晉屬州郡治 有太行山華岳神沁水二漢晉屬治沁 城有沁水濟水河陽二漢晉屬後 罷孝昌中復 軹城右 軹關

武德郡天平初分 河內置

領縣四

戶一萬一千八百三十五

口五萬五千七百一十四

平臯二漢晉屬河內有平 臯破平臯城安昌城温二漢晉屬河 內有温沮水懷二漢晉屬河內 有長陵城懷城州 雍城中都城金城

建州

慕容永分上黨置建興郡真君九年省和平五年復永安中罷郡置州治高都城

領郡四

縣十

戶一萬八千九百四

口七萬五千三百

高都郡

永安中置

領縣二

戶六千四百九十九

口二萬七千六百三十五

高都

二漢晉屬上黨後屬

陽阿

二漢屬上黨晉罷後復屬有武斬關

長平郡

領縣二

戶五千四百一十二

口一萬二千七百七十八

高平

永安中置治高平城

玄氏

二漢晉屬上黨郡治有羊頭城

安平郡

領縣二

戶五千六百五十八

口一萬九千五百五十七

端氏

二漢屬河東晉屬平陽後屬真君七年省太和二十年復

濩澤

二漢屬河東晉屬平陽後屬

泰寧郡

孝昌中置及縣

領縣四

戶一千三百三十五

口五千三百三十

東永安

西河

西濩澤

高延

汾州

延和三年為鎮太和十二年置州治蒲子城孝昌中陷移治西河

領郡四

縣十

戶六千八百二十六

口三萬一千二百一十

西河郡

漢武帝置晉亂罷太和八年復治茲氏城

領縣三

戶五千三百八十八

口

隰城

二漢晉屬太延中改為什星軍太和八年復有虞城陽城

介休

二漢屬太原晉屬晉亂罷太和八年復有木瓜山鄆城有郭林宗墓介休城太岳山祠

永安

太和十七年分隰城置

吐京郡

真君九年置孝昌中陷寄治西河

領縣二

戶三百八十四

口一千五百一十三

新城

世祖名嶺東太和二十一年改

吐京

世祖名嶺西太和二十一年改

五城郡

正平二年置孝昌中陷寄治西河

領縣三

戶二百五十七

口一千一百一

五城

世祖名京軍太和二十一年改有鷄亭

平昌

世祖名刑軍太和二十一年改有白馬谷

石城

世祖為定陽太和二十一年改

定陽郡

舊屬東雍州延興四年分屬焉孝昌中陷寄治西河

領縣二

戶七百九十七

口三千二百八

定陽延興四年置昌寧延興四年置

東雍州世祖置太和初復

領郡三 縣八

戶六千二百四十一

口三萬四百

邵郡皇興四年置郡上郡太和

領縣四

戶五十二

口一百五十八

白水有馬頭山清廉有清廉山萇平有王屋山西太平

高涼郡

領縣二

戶四千四百四十五

口二萬一千八百五十三

高涼太和十一年分龍門置龍門故皮氏二漢屬河東晉屬平陽真君七年改屬有臨汾城

正平郡故南太平神麋元年改

領縣二

戶一千七百四十四

口八千三百八十九

聞喜二漢晉屬河東曲沃太和十一年置

安州皇興二年置治方城天平中

領郡三

縣八

戶五千四百五

口二萬三千一百四十九

密雲郡 皇始二年置 治提攜城

領縣三

戶二千二百三十一

口九千一十一

密雲 真君九年併 要陽 前漢屬涿陽後漢晉 白檀郡 方城屬焉 罷後復置桃花山

廣陽郡 延和元年置益州 真君二年改為郡

領縣三

戶二千八

口八千九百一十九

廣興 延興二年置真君 燕樂 州郡治延和九年置 方城 普泰元年 九年併恒山屬 真君九年併水樂

安樂郡 延和元年置交州 真君二年罷州置

領縣二

戶一千一百六十六

口五千二百一十九

土垠 真君九年置 安市 漢晉屬遼東真君 九年併當平屬焉

義州 興和二年置寄 治汲郡陳城

領郡七

縣十九

戶三千四百二十八

口一萬六千七百六十四

五城郡 永安中置屬司州太平中 屬北豫州武定五年屬

領縣三

戶二千一百

口一萬七千六十九

隰城 永安中置有鳳皇 介休 永安中置 五城 永安中置 臺安郡神皇侯神



泰寧郡興和中置

領縣三

戶二百二十八

口一千一百二十七

泰寧興和中置義興興和中置邵陽興和中置

新安郡興和中置

領縣三

戶三百九十四

口一千五百九十五

西垣興和中置新安興和中置東垣興和中置

澠池郡興和中置

領縣三

戶一百六十六

口八百二十八

北澠池興和中置俱利興和中置西新安興和中置

恒農郡興和中置

領縣三

戶九十三

口五百四十三

恒農興和中置北郊興和中置嶠興和中置

宜陽郡興和中置

領縣三

戶一百六十九

口六百八十六

宜陽

興和中置

南澠池

興和中置

金門

興和中置

金門郡

興和中置

領縣一

戶二百七十八

口一千二百一十七

北陸

興和中置

南汾州

領郡九

縣十八

戶一千九百二十二

口七千六百四十八

北吐京郡

領縣四

戶八十八

口三百五十一

平昌

北平昌

石城

吐京

西五城郡

領縣三

戶二百四十七

口一千一百一十八

西五城

昌寧

平昌

南吐京郡

領縣一

戶三十二

口七十三

新城

西定陽郡

領縣一

戶四十二

口一百四十

洛陵

定陽郡

領縣一

戶五十四

口一百九十

永寧

北鄉郡

領縣二

戶二百九

口七百五十九

龍門

汾陰

五城郡

領縣二

戶二百一十四

口八百八十四

五城

平昌

中陽郡

領縣二

戶四百六十八

口一千六百二十七

洛陵 昌寧

龍門郡

領縣二

戶五百七十八

口二千四百九十六

西太平 汾陽

南營州 考昌中營州陷永熙二年置寄治英雄城

領郡五

縣十一

戶一千八百一十三

口九千三十六

昌黎郡 永熙中置

領縣三

戶五百九

口二千六百五十八

龍城 永熙中置 廣興 永熙中置 定荒 興和

遼東郡 永熙中置

領縣二

戶五百六十五

口二千六百三十四

太平 永熙中置 新昌 永熙中置

建德郡 永熙中置

領縣二

戶一百七十八

口八百一十四

石城永熙中置廣都興和中置

營丘郡天平四年置

領縣三

戶五百一十二

口二千七百二十七

富平天平四年置永安元象中置帶方元象中置

樂良郡天平四年置

領縣一

戶四十九

口二百三

永樂興和二年置

東燕州太和中分恒州東部置燕州孝昌中略天平中領流民置寄治幽州宜都城

領郡三 縣六

戶一千七百六十六

口六千三百一十七

平禺郡孝昌中陷天平中置

領縣二

戶四百五十

口一千七百一十三

方言天平中置昌平天平中置有龍泉

上谷郡天平中置

領縣二

戶九百四十二

口三千九十三

平舒

孝昌中陷  
天平中置

居庸

孝昌中陷  
天平中置

徧城郡

武定元年置

領縣二

戶三百七十四

口一千五百一十三

廣武

武定元年置

沃野

武定元年置

營州

治和龍城太延二年為鎮真君五年改置永安末陷天平初復

領郡六

縣十四

戶一千二十一

口四千六百六十四

豐黎郡

晉分遼東置真君八年併冀陽屬焉

領縣三

戶二百一

口九百一十八

龍城

真君八年併柳城昌黎棘城屬焉有堯祠榆垣城狼水

廣興

真君八年併徒何永樂燕昌屬焉有鷄鳴山石城大柳城

定荒

正光未置有鹿頭山松山

建德郡

真君八年置治白狼城

領縣三

戶二百

口七百九十三

石城

前漢屬右北平後屬真君八年併遼陽路大樂屬焉有白鹿山祠

廣都

真君八年併白狼建德望平屬焉有金紫城

陽武

正光未置有三合城

遼東郡

秦置後罷正光中復治固都城

領縣二

戶一百三十一

口八百五十五

襄平

二漢晉屬後罷正光中復有青山

新昌

二漢晉屬後罷正光中復

樂良郡

前漢武帝置二漢晉曰樂浪後改罷正光末復治連城

領縣二

戶二百一十九

口一千八

永洛

正光末置有鳥山

帶方

二漢屬晉屬帶方後罷正光末復屬

冀陽郡

真君八年併昌黎武定五年復

領縣二

戶八十九

口二百九十六

平剛

柳城

營丘郡

正光末置

領縣二

戶一百八十二

口七百九十四

富平

正光末置

永安

正光末置

平州

晉置治肥如城

領郡二

縣五

戶九百七十三

口三千七百四十一

遼西郡

秦置

領縣三

戶五百三十七

口一千九百五

肥如 二漢晉屬有孤竹山祠禡石 陽樂 二漢晉屬真君七年併令支合資屬 海陽 二漢晉屬有橫

山新婦山清水

北平郡 秦置

領縣二

戶四百三十

口一千八百三十六

朝鮮 二漢晉屬樂浪後罷延和元年徙朝鮮民於肥如復置屬焉 新昌 前漢屬涿後漢晉屬遼末後屬有盧龍山

恒州 天興中置司州治代都平城太和中改名 昌中陷天平二年置寄治肆州秀容郡城

領郡八

縣十四

代郡 秦置孝昌中陷天平二年置

領縣四

平城 二漢晉屬 太平 武周 二漢屬鴈門 永固 晉魏後復屬

善無郡 天平二年置

領縣二

善無 前漢屬鴈門後漢屬定襄後屬 沃陽

梁城郡 天平二年置

領縣二

參合 前漢屬代後漢晉罷後復屬 檀鴻 一本作祗鴻

繁峙郡 天平二年置

領縣二

崞山 二漢晉曰崞屬鴈門後改屬 繁峙 二漢晉屬鴈門後改屬

高柳郡 永熙中置

領縣二



安陽

二漢曰東安陽屬代郡晉屬後改屬

高柳

二漢屬代郡晉罷後復屬

北靈丘郡

天平二年置

領縣二

靈丘

前漢屬代後漢晉罷後復屬

莎泉

內附郡

天平二年置

靈丘郡

天平二年置

朔州

本漢五原郡延和二年置為鎮後改為懷朔孝昌中改為州後隋今寄治并州界

領郡五

縣十三

大安郡

領縣二

狄那

捍殊

廣寧郡

領縣二

石門

中川

神武郡

領縣二

尖山

殊頽

太平郡

領縣三

太平

太清

永寧

附化郡

領縣四

附化

息澤

五原

廣牧

雲州

舊置朔州後隋永熙中改寄治并州界

領郡四

縣九

盛樂郡 永熙中置

領縣二

歸順 永熙中置 州郡治 還安 永熙中置

雲中郡 秦置

領縣二

延民 永熙中置 雲陽 永熙中置

建安郡 永熙中置

領縣二

永定 永熙中置 永樂 永熙中置

真興郡 永熙中置

領縣三

真興 永熙中置 建義 永熙中置 南恩 永熙中置

蔚州 永安中改懷荒禦夷二鎮置寄治并州鄆縣界

領郡三

縣七

始昌郡 永安中置

領縣二

于門 永安中置 蘭泉 永安中置

忠義郡 永安中置

領縣二

葦池 永安中置 楊柳 永安中置

附恩郡 天平中置

領縣三

西涼 天平中置 利石 天平中置 化政 天平中置

顯州 永安中置治汾州六壁城

領郡四

縣四

定戎郡 永安中置治瓜城

領縣一

零山 永安中置 陽林 永安中置

建平郡 永安中置州治

領縣二

昇原 永安中置 赤谷 永安中置

真君郡 天平中置治東多城

武昌郡 武定四年置治團城

廓州 武定元年置治肆州敷城界郭城

領郡三

廣安郡 武定元年置

永定郡 武定元年置

建安郡 武定元年置

武州 武定元年置治鴈門川武定三年始立州城

領郡三

縣四

吐京郡 武定八年置

領縣二

吐京 武定三年置 新城 武定三年置

齊郡 武定元年置州治

領縣二

昌國 武定元年置 安平 武定元年置

新安郡 武定元年置

西夏州寄治并州界

領郡二

太安郡

神武郡

寧州與和中置寄治汾州介休城

領郡四

武康郡武定四年置治東多城

靈武郡武定元年置

初平郡武定元年置

武定郡武定元年置

靈州太延二年置薄骨律鎮孝昌中改後陷關西天平中置寄治汾州隰城縣界郡縣闕

前自恒州已下十州永安已後禁旅所出口之數並不得知

魏書卷一百六上

地形志二上第五終

常山郡注云後漢建初中為淮陽永元二年復今案後漢書章  
 帝建初四年四月徙常山王嗣為淮陽王和帝永元三年五月  
 紹封故淮陽王嗣子劍為常山王魏書云徙淮陽王以汝南之  
 新安西華並淮陽國自常山徙屬淮陽非改常山為淮陽蓋  
 魏收之誤

